

An Exposition of the Seven Church Ages

Chapter Nine Kereke Ya Paka Ya Laodikia

Tshenolo 3:14-22

"O kwalele moengele wa phuthego ya ba Laodikea o re:

Dilo tse di builwa ke Yo e leng Amene, Yo e leng mosupi yo o Boikanyego le Boammaaruri, e leng tshimologo ya Lobopo la Modimo;

Ke itse ditiro tsa gago, jaaka o se tsididi, e bile o se molelo: Ke rata o ka bo o le tsididi kana molelo.

E re ka o le bololo fela, o bile o se tsididi kana molelo, ke tlaa go kgwa mo ganong Lame.

Ka e are fa o bua o re, Ke humile, ke bapetse dikhumo, ga ke tlhoke sepe, mme o sa itse fa o le maswe, e bile o hutsafatsa, o le lehuma, le sefofu, gape o sa bosaikatega:

Ke a go gakolola ka re, o reke mo go nna gouta e e ntlafaditsweng ke molelo, gore o tle o hume; le diaparo tse ditshweu gore o tle o apare, le gore ditlhong tsa bosaikategang ja gago di se ka tsa senolwa; o reke le leokwane la matlho go itogetsa ka lone, gore o tle o bone.

Botlhe ba ke ba ratang, ke a ba kgalemela, ke ba otlhaye: ka re, o tlhoafale, o bo o ikwatlhaye..

Bona, ke eme fa kgorong ke kokota: fa motho mongwe, le fa e le mang a utlwa lentswe Lame, a bo a mpulela, Ke tlaa tsena kwa go ene ke je nae, le ene le nna.

Yo o fenyang, ke tlaa mo naya gore a nne le Nna mo setulong Same sa bogosi, fela jaaka le nna ke fentse, mme ke kotame le Rre mo setulong sa Gagwe sa bogosi..

Yo o nang le tsebe, a a utlwe se Mowa o se buang le diphuthego."

Toropo Ya Laodikea

Leina, Laodicea, le le rayang, "ditshwanelo tsa batho" le ne le tlwaelesegile thata mme le ne la nwa ditoropo tse di mmalwa go tlotla basadi ba segosi ba ba neng ba bidiwa jalo. Toropo e ne e le ya ditoropo tse di neng di le botlhokwa thata mo dipolotiking e bile e humile ka madi kwa Asia Minor. Baagedi ba toropo eo ba ba tlotlegang ba ne ba tlogelela torop eo dithoto tsa bone tse dintsi. E ne e le lefelo la sekolo se segolo sa kalafi. Banni ba yone ba ne ba itsege thata ka botswerere ja bone mo go tsa botaki le saense. Gantsi e ne e bidiwa 'motsemogolo' ka gonne e ne e le boremelelo ja ditoropo dingwe tse di masome a mabedi le botlhano. Modimo wa boheitane o o neng o obamelwa koo e ne e le Seuse. Tota e bile, motse o o kile wa bidiwa Diopolis (Motse wa ga Seuse) go tlotla modimo wa bone. Ka ngwaga wa lekgolo la bone la dingwaga go ne ga tshwarwa lekgotla la kereke le le botlhokwa koo. Dithoromo tsa lefatshe tse di neng di nna di direga gantsi di ne tsa dira gore e phuagangwe.

A bo mekgwa ya paka e ya bofelo e tshwanelang jang go tshwantshangwa le paka e re tshelang mo go yone gompiano. Fa re fa sekai, ba ne ba obamela modimo a le mongwe, e bong Seuse, yo e neng e le kgosi le rra badimo. Seno se ne sa bolelela pele gore mo lekgolong la dingwaga tse di masome mabedi la dingwaga go tla nna le bodumedi ja 'Modimo a le mongwefela, rraarona rotlhe' jo bo tlhalosang bokaulengwe ja batho, mme le gone jaanong bo kopanya Baporotesetanta, Bakatoliki, Bajuda, Bahindu, jalo le jalo ka maikaelelo ja gore kobamelo e e kopanetsweng e oketse lerato, go tlhaloganyana le go tlhokomelana. Bakatoliki le Baporotesetanta ba sa ntse ba lwela go nna le kutlwano e, e bile tota ba e eteetsa ka maikaelelo a gore ba bangwe botlhe ba e latele. Mkgwa o ne wa bonwa mo Mokgatlhong wa Ditšhaba Tse di Kopaneng fa baeteledipele ba lefatshe ba ne ba gana go amogela mogopolo ope wa kobamelo ya semoya mme ba akantsha gore go latlwe megopolo eo yothe e e farologaneng ka tsholofelo ya gore madumedi otlhe a tla kopanngwa go nna selo se le sengwefela, ka gonne otlhe a eletsa sekgele se se tshwanang, otlhe a na le maikaelelo a a tshwanang mme otlhe a siame.

Ela tlhoko leina le, Laodikia, 'ditshwanelo tsa batho,' kana 'tshiamelo ya batho.' A go kile ga nna le paka e e tshwanang le paka ya kereke ya lekgolo la masome a mabedi la dingwaga e mo go yone ditšhaba TSOTLHE di neng tsa emeleladi batla batla tekatekano, mo setšhabeng le mo go tsa madi? E ke paka ya Bakomonise fa go tweng batho botlhe ba tshwanetse go lekana, le mororo moo e le megopolo ka puo fela. E ke paka ya mekgatlhong ya dipolotiki e e ipitsang Bakeresete ba Tomokoraga, le Bakeresete ba

Soshilisite, le ba ba bidiwang Christian Commonwealth Federation, jalo le jalo. Go ya ka baithutabodumedi ba rona ba ba ratang kgololesego, Jesu e ne e le motho yo o ratang bosole mme kereke ya bogologolo e ne e dirisa bososialese e kaelwa ke Mowa, mme ka jalo le rona re tshwanetse go dira jalo gompieno.

Fa batho ba bogologolo ba ne ba bitsa Laodikia ba re ke motsemogolo, ba ne ba na le ponelo pele ya puso e lefatshe lotlhe le busiwang ke goromente a le mongwefela e e tlhomiwang mo bogompienong. Jaaka fa re akanya gore toropo eo e ne e le lefelo la lekgotla le legolo lamakoko a dikereke re bona go tshwantshiwa ka tsela e e gakgamatsang gore go tla nna le mokgatlho wa makoko a dikereke tsa mafatshwe gompieno, e mo go yone fa go ise go ye kae re tla bonang botlhe 'ba ba bitswang' Bakeresete ba kopana ba nna seopo sengwe. Ele ruri, kereke le puso, bodumedi le dipolotiki di a kopana. Mefero e a bofiwa. Korong e tla tloga e siamela go robiwa.

E ne e le toropo e e neng e nna e na le dithoromo tsa lefatshe, dithoromo tsa lefatshe tse kgabagare di neng tsa o senya. Paka e e tla felela Modimo a tshikinya lefatshe lotlhe le le duleng mo tseleng la ya go ratana le seaka sa bogologolo. Dithulaganyo tsa lefatshe ga di kitla di phutlhama fela, mme lefatshe ka bolone le tla tshikingwa mme morago ga moo le bo le ntšhafadiwa ka nako ya puso ya ga Keresete ya dingwaga tse di sekete.

Toropo e ne ehumile, o na le dikhumo tse dintsi. E ne e tletse ka setso. Go ne go na le saense e ntsi. Go tshwana jang le gompieno. Dikereke di humile. Kobamelo e ntle e bile e rulagantswe sentle, mme e tsididi e bile e sule. Setso le thuto di tsetse Lefoko le le neilweng ke Moya maemo, mme tumelo e tseetswe maemo ke saense, mo e leng gore motho ke morati wa dikhumo.

Mo go sengwe le sengwe se se diragalang kwa Laodikia wa bogologolo golebega se tsogologile gape mo pakeng ya Laodikia wa lekgolo la bomasome mabedi la dingwaga. Ka ntlha ya kutlwelobotlhoko ya Modimo, a ba ba nang le tsebe e e utlwanang ba ka tswa mo go ene gore ba se ka ba nna le karolo mo maleong a gagwe le mo katlholong e e tlang morago ga moo.

Paka Ya Laodikia

Paka ya Laodikia e ne ya simolola nakong ya kwa tshimologong ya lekgolo la bomasome a mabedi la dingwaga, gongwe ka ngwaga wa 1906. E tla tsaya lebaka le le kafe? Jaaka fa e ne e le motlhanka wa Modimo yo o neng a bona diponatshegelo di le dintsi, tse go seng NNGWEFELA ya tsone e e kileng ya palelwa, mma ke akanyetse ke bolela pele (ga ke re ke ya porofeta, mme ke bolela pele) gore paka e e tla felela ka nako e ka nngang ka 1977. Fa le ka intshwarela go fa kakanyo yame, go abelela game ga bo bonelapele goikaegile ka diponatshegelo tse supa tse dikgolo tse di neng di tla kwa go nna ka go latelana mo mosong wa Tshipi nako nngwe ka kgwedi ya Seetebosigo, ngwaga wa 1933. Morena Jesu o ne a bua le nna mme a re go tla ga Morena go gaufi, mme pele ga a tla, go ne go tla diragala ditiragalo di le supa tse dikgolo. Ke ne ka di kwala tsotlhe mme mo mosong oo ke ne ka ba bolelela tshenolo ya Morena. Ponatshegelo ya ntlha e ne e le gore Mussolini o ne a tla tlhasela Ethiopia mme setšhaba seo se ne se tla "wa phutlhama ka ntata ya ditiro tsa gagwe". Ruri ponatshegelo eo e ne ya dira gore batho bangwe ba se ka ba dumela, mme bangwe ba ne ba galefa thata fa ke ne ke e ba bolelela mme ba ne ba sa dumele. Mme go ne ga direga fela jalo. O ne a tsena koo ka marumo a gagwe a segompieno mme a tsaya taolo ya mmuso wa koo. Baagedi ba koo ba ne ba se na tshono. Mme gape ponatshegelo eo e ne e bua gore Mussolini o ne a tsile go felela a nna le lesa le le setlhogo batho ba gagwe ba ne ba mo tlhanogela. Go ne ga direga fela jaaka go ne go builwe gore go tla nna.

Ponatshegelo e e latelang e ne ya bolelela pele gore monna mongwe wa kwa Austria yo o bidiwang Adolph Hitler o ne a tla nna mmusaesi wa Jeremane, le gore o ne a tla gogela lefatshe mo ntweng. E ne e ya supa gore masole a rona a ne a tla nna le mathata a magolo jang go fenya molelwane wa Siegfried. Go tswa foo e ne ya supa gore Hitler o ne a tla nna le phelelo e e gakgamatsang e e sa itsagaleng.

Ponatshegelo ya boraro e ne e le ya dipolotiki tsa lefatshe ka gonne e ne e supa gore go ne go tla nna le ISMS tse tharo tse dikgolo, Bo-Fascist, Bo-Nazi, Bokomanisi, mme tse pedi tsa ntlha di ne di tla komediwa ke ya boraro. Lentswe le ne la gakolola jaana, "TLOKOMELA RUSSIA, TLHOKOMELA RUSSIA". Tlhome leitho la gago mo Kgosing ya kwa Bokone o e e le tlhoko."

Ponatshegelo ya bone e ne e supa kgatelopele e kgolo ya saense e e neng e tla nna teng morago ga ntwaga ya bobedi ya lefatshe. E ne e isa kwa ponelapeleng ya koloi e e nang le marulelo a polasetiki e e neng e tsamaya mo ditseleng tse dikgolo tse dintle e neng e ikgweetsa e laolwa go tswa kgakala, batho ba ba neng ba le mo koloing e e neng e sena steering wheel mme ba ne ba tshameka motshameko mongwe go itlosa bodutu.

Ponatshegelo ya botlhano e ne e amana le bothata ja boitsholo ja paka ya rona, jo neng bo remeletse mo basading. Modimo o ne a mpontsha gore basadi ba ne ba simolola go tswa mo maemong a bone fa ba ne ba nwa tshwanelo ya go tlhophisa. Go tswa foo ba ne ba ipeola moriri, e leng se se neng e le sesupo sa gore ga ba tlhole ba le mo taolong ya monna mme ba ne ba batla gore ba nne le ditshwanelo, tse di lekanang kana mo maemong a le mantsi, ba nne le ditshwanelo tse di fetang tse di

lekanang. O ne a apara simolola go apara diaparo tsa senna mme a tsenang mo seemong sa go tlhoka go ikatega, go fitlhelela ke bona setshwantsho sa bofelo sa mosadi yo o sa aparang sepe kwantle fela ga go baya sekgethe nyana sa seaparo dirilweng ka matlhare a mofeige. Ka ponatshegelo e ke ne ka bona boikepo jo bo maswe le seemo se se maswe sa boitsholo ja lsetho mo lefatsheng lotlhe.

Mme mo ponatshegelong ya borataro go ne ga tlhaga mosadi yo montle thata, mme a le setlhogo kwa Amerika. O ne a laola batho ka thata ya gagwe. Ke ne ke dumela gore se e ne e le go tlihatloga ga Kereke ya Katoliki ya Roma, le fa gone ke ne ke itse gore gongwe e ne e le ponatshegelo ya mosadi mongwe yo o neng a tla nna le thata e kgolo kwa Amerika ka ntlha ya go tlhopha ga basadi.

Ponatshegelo ya bofelo le ya bosupa e ne e le ya fa ke ne ke utlwa modumo o o maswe thata wa go thunya. Fa ke retologa ke leba ke ne ke sa bone sepe fa e se masalela a dikago tse di sweleleng, dikhuti le mosi mo nageng yotlhe ya Amerika.

Go ya ka diponatshegelo tse tsa supa tse, mmogo le diphetogo tse di neng di diragala ka bonako tse di neng tsa aparetsa lefatshe mo dingwageng tse di masome a matlhano tse di fetileng, KE BOLELA pele (ga ke porofete) gore diponatshegelo tse tsotlhe di tla bo di diragetse ka ngwaga wa 1977. Mme lefa gone batho ba le bantsi ba ka nna ba akanya gore se ke puo e eseng botlhale ka ntlha ya gore Jesu o ne a re 'ga go na motho ope yo o itseng letsatsi le fa e le oura.' Ke santse ke tshegetsatsa polelelopele e morago ga dingwaga di le masome a mararo ka gone, Jesu GA A A KA a re ga go na motho ope yo o ka itseng ngwaga, kgwedi kana beke eo go tla ga Gagwe go neng go tla diragala ka yone. Ka jalo ke a ke dumela ka tlhoafalo le go tshegetsatsa jaaka moithuti wa Lefoko ka namana, mmogo le ka tlhotlheletso ya Bomodimo gore 1977 e tshwanetse ya nna nako e tsamaiso ya lefatshe e tla felelang ka yone mme ya tsisa nako ya mileniamo.

Jaanong tla ke bue se. A go na le mongwe yo o ka supang gore nngwe ya dipono tseo e phoso? A ga di a diragadiwa? Ee, nngwe le nngwe ya tsone e setse e diragaditswe, kana e setse e diragadiwa gone jaanong. Mussolini o ne a atloga fa a tlasela Ethiopia, mme a wa a bo a latlhegelwa ke sengwe le sengwe. Hitler o ne a simolola ntwaga e a neng a sa kgone go e wetsa mme a swa ka tsela e e gakgamatsang e e sa itsagaleng. Bokomonise bo ne ja gapa di ISMS tse dingwe tse pedi. Kolo yae e nang le borulelo ja polasetiki e setse e dirilwe mme e emetswe fela ke ditsela tse di botoka tse e ka tsamayang mo go yone. Basadi ga ba a ikatega gotlhelele, e bile le gone jaanong ba apere diaparo tsa go tunka tse di bolegileng kwa godimo. Mme letsatsi lengwe ke ne ka bona mo makasineng seaparo se ke neng ka se bona mo ponatshegelong yame (fa e le gore o ka se bitsa seaparo). E ne e dirilwe ka polasetiki ya mofuta mongwe o o phatsimang e na le matlasedi a a mmala montshi a a neng a khurumeditse mabele ka bobedi mo lefelong le lennye, mme go ne go na le lefelo le le ntsho le le tshwanang le apron foroko e nnye kafa tlase. Ke reke ya Katuloki e tlhageletse. Re kile ra nna le poresidente wa Mokatoliki mme ga go na pelaelo gore re tla nna le yo mongwe.

Go setse eng? Ga go na sepe kwantle ga Bahebera 12:26. *"Yo lentswe la gagwe le kileng la tshikinya lefatshe; mme jaanong o solofeditse a re, Ke sa ntse ke tla tshikinya lefatshe gangwe fela, e seng lone fela, mme le lone legodimo."* Modimo o tla tshikinya lefatshe gape le dilo tsotlhe tse di mo go lone tse di sa tshwarelelang di tla tshikingwa. Mme o tla tle shafatsa. Fela ka kgwedi ya Mopitlo, wa ngwaga wa 1964, ka Labotlhano wa paseka go ne ga nna le thoromo ya lefatshe kwa Alaska e e neng ya tshikinya lefatshe lotlhe le fa gone e ne ya seka ya le sekamisa. Mme Modimo o ne a tlhagisa ka thoromo ya lefatshe ka se a neng a tla tloga a se dira ka selekanyo se segolo. O tsile go senya lefatshe le le hutsitsweng ka bolelo, morwarre, kgaityadiake, mme go na le lefelo le le lengwe fela le le ka emelang thoromo eo, mme ke ba ba leng mo letsomaneng la ga Morena Jesu. Mme ke kopa gore fa le sa ntse le ka kgona go bona kutlwelobotlhoko ya Modimo, le neele botshelo ja lona jotlhe, le bo neele Jesu Keresete ka botlalo, yo jaaka Modisa yo o ikanyegang a tla le bolokang le go le tlhokomela le go le isa kwa kgalalalong le se na molato ka boipelo jo bogolo.

Morongwa

Ke belaela fela thata gore a go na le paka epe e tota e neng e itse morongwa yo Modimo a neng a e rometse kwa go one, kwantle ga mo pakeng ya ntlha fa Paulo e ne e le morongwa. Mme le e leng mo pakeng eo batho ba le bantsi ba neng ba sa mo lemoge gore ke motho yo o ntseng jang.

Jaanong paka e re tshelang mo go yone e tla nna khutshwane thata. Ditiragalo di tla diragala ka bonako fela thata. Ka jalo morongwa wa paka e ya Laodikia e tshwanetse ya bo e le fa jaanong, le mororo gongwe re ise re mo itse. Mme ruri go tla tla nako ya gore a itsiwe. Jaanong ke kgona go supa seo ka gone re na le Dikwalo tse di tlhalosang bodiredi ja gagwe.

Sa ntlha, morongwa yoo o tla nna moporofeti. O tla nna le bodiredi ja moporofeti. O tla nna le bodiredi ja boporofeti. E tla bo e theilwe ka tlhomamo mo Lefokong ka gone fa a porofeta kana a bona ponatshegelo, ka metlha e tla bo e le "remeletse mo Lefoko" mme e tla diragala ka METLHA. O tla tlotsomadiwa jaaka moporofeti ka ntlha ya go tlhomama ga gagwe.

Bosupi ja gore ke moporofeti bo fitlhelwa mo go Tshenolo 10:7

"Mme e tlaa re mo pakeng ya lentswe la moengele wa bosupa, fa a tlaa tloga a letsa, foo go bo go diragadiwa bosaitsweng ja Modimo, ka fa mafokong a a molemo a o a boleletseng baperofeti batlhanka ba one."

Jaanong motho yo, yo mo temaneng e a bidiwang 'moengele' mo Baebeleng ya King James GA SE motho wa selegodimo. Moengele wa borataro yo o letsang terompeta, yo e leng sebopiwa sa selegodimo, o mo go Tshenolō 9:13, mme wa bosupa wa tatelano e e tshwanang le eo o mo go Tshenolō 11:15. Yo o mo go Tshenolo 10:7 ke morongwa wa motlha wa bosupa mme ke monna, mme o tshwanetse go tliša molaetsa o o tswang kwa Modimong, mme molaetsa wa gagwe le bodiredi ja gagwe di tla diragatsa sephiri sa Modimo jaaka se ne sa bolelelwa batlhanka ba Gagwe, baperofeti. Modimo o tla tsaya morongwa yo wa bofelo e le moperofeti KA GORE KE MOPOROFETI. Paulo o ne a ntse jalo ka nako ya paka ya ntsha, mme le wa paka ya bofelo le ene o ntse jalo.

Amose 3:6-7,

"A go ka lela lenaka mo motseng mme batho ba se ka ba boifa? A go ka nna le bosula mo motseng mme Morena a sa bo dire??"

Gonne Morena Modimo ga o dire sepe, fa o sa senolele batlhanka ba one baperofeti bosaitsweng jwa one."

E ne e le ka nako ya bokhutlo ja metlha fa ditudumo tsa ditladi tse di supa tsa ga Jesu a ne a utlwala. Tshenolo 10:3-4,

"Mme a goa ka lentswe le legolo, jaaka fa tau e duma; ya re a goa, ditudumo di supa tsa maru tsa ntsha mantswe tsa tsone."

Mme ya re ditugumo tse supa tsa maru di ntsha mantswe a tsone, ka bo ke re ke a kwala: mme ka utlwa lentswe le tswa legodimong le re, Kanela dilo tse ditudumo tse di supang tsa maru di di boletseng, o se ka wa di kwala."

Ga go na ope yo o itseng gore go ne go na le eng mo ditudumong tseo tsa maru. Mme re tshwanelwa ke go itse. Mme go tla tlhokega moperofeti gore a newe tshenolo ka gonne Modimo ga a na tsela epe e nngwe ya go senola dikwalo tsa Gagwe fa e se ka moperofeti. Lefoko ka nako tsotlhe le ne le tla ka moporofeti mme le tla tshwelela le nna le tla ka moporofeti. Go bonala sentle gore se ke molao wa Modimo le fa motho a ka sekaseka Dikwalo fela mo go sa tsenelelang. Modimo yo o sa fetogeng ka ditsela tse di sa fetogeng o ne a romela moperofeti wa Gagwe mo pakeng nngwe le nngwe fa batho na neng fapogile mo taolong ya One. E re ka baithutabodumedi le batho ka bobedi ba ne ba fapoga mo Lefokong, Modimo ka nako tsotlhe o ne a romela motlhanka wa Gagwe kwa bathong ba (kwantle baithutabodumedi) gore a baakanye dithuto tsa maaka le go busetsa batho kwa Modimong.

Ka jalo re bona morongwa wa paka ya bosupa a tla, mme ke moperofeti.

Ga re bone fela morongwa yo a tla fano mo go Tshenolo 10:7, mme re fitlhela gore Lefoko le bua ka Elija a tla pele ga Jesu a boa.

Mo go Mathaio 17:10,

"Barutwa ba mmotsa ba re, Ke go reng, fa Bakwadii ba Dikwalo ba ne ba re, Elia o tshwanetse go tla pele?" Jesu a ba araba a re Ee, Elia o tshwanetse go tla pele go siamisa dilo tsotlhe."

Pele ga go tla ga Morena wa rona, Elija o tshwanetse go boa go tla go dira tiro ya go tsosolosa kereke.

Se ke sone se Malaki 4:5 a sebuang a re,

"Bonang, ke tlaa roma Elija moperofeti kwa go lona pele, motlha o mogolo le o o boitshegang wa ga Morena o ise o tle; Mme o tlaa retolola pelo ya borraabana ko go ya baneng ba bone, le pelo ya bana kwa go ya borraabo; e se re kgotsa ka tla, mme ka itaya lefatshe ka phutso."

Ga go na pelaelo gore Elija o tshwanetse go boa pele ga Jesu a tla. O na le tiro e a tshwanetseng go e dira. Tiro eo ke karolo ya Malaki 4:6 e e reng "o tla retolola dipelo tsa bana kwa go borraabone". Lebaka la go bo re itse gore ke tiro ya gagwe e e kgethegileng e a tshwanetseng go e dira ka nako eo ke ka gore o setse a diragaditse karolo e e buang gore o tla retolola dipelo tsa borre go ya ko baneng, fa bodiredi ja ga Elija bo ne bo le fa mo go Johane wa Mokolobetsi.

Luke 1:17,

"Mme O tlaa mo etelela pele ka Mowa le ka nonofo ya ga Elija, go retolola dipelo tsa borara go ya ko go ya ko baneng, le ba ba sa obameleleng botlhale ja basiami; go baakanyetsa Morena sešaba se o se etleeditsweng."

Mo bodireding ja ga Johane, "dipelo tsa borre di ne tsa retologela mo baneng". Re itse seo ka gonne Jesu o ne a bua jalo. Mme ga e bue gore dipelo tsa bana di ne tsa retologela kwa go borraabone. Seo se tshwanetse gore se diragale. Dipelo tsa bana ba metlha ya bofelo di tla boela kwa go borraarone ba Pentekosete. Johane o ne a dira gore borre ba ipaakanyetse gore Jesu a amogele bana mo lesakeng. Jaanong moperofeti yo yo mowa wa ga Elija o tsena mo go ene o tla baakanyetsa bana go amogela Jesu fa a boa.

Jesu o ne a bitsa Johane Mokolobetsi a re ke Elija.

Matthai 17:12,

"Mme ke le raya ke re Elia o setse a tsile, mme ba ne ba seka ba mo itse, mme ba mo dirile ka fa ba ratileng ka teng."

Lebaka la go bo a ne a bitsa Johane a re ke Elija, e ne e le ka gonne mowa o o neng o le mo go Elija o ne o boetse mo go Johane, fela jaaka mowa oo o ne o boetse mo go Elisha morago ga puso ya ga Kgosi Ahabe. Jaanong gape mowa oo o tla boela mo mothong yo mongwe pele fela ga Jesu a tla. E tla bo e le moporofeta. Modimo o tla tlhomamisa gore ke moporofeti wa mmannete. Ka Jesu a ka seka a se ketla a ka mo tlhomamisa a le mo senameng, (jaaka A ne a dira ka Johane) seo se tla dirwa ke Mowa o o Boitshepo gore bodiredi ja moperofeti yo bo tle bo nne le ponatshego e kgolo le e e gakgamatsang. Jaaka moperofeti, tshenolo nngwe le nngwe e tla itshupa e le boammaaruri, ka gonne tshenolo nngwe le nngwe e tla diragala. Ditiro tse di gakgamatsang tsa maatla di tla dirwa ka taolo ya gagwe ka tumelo. Go tswa foo go tla tliwa molaetsa o Modimo a mo neileng mo Lefokong go busetsa batho mo boammaaruring le mo maatleng a boammaaruri a Modimo. Bangwe ba tla mo reetsa, mme bontsi ja bone bo tla mo nna popego fela mme bo ba mo gana.

E reka morongwa yo wa moperofeti wa Tshenolo 10:7 a tla bo a tshwana le Malaki 4:5-6 o tla bo a tshwana le Elija le Johane. Boobabedi e ne e le banna ba ba neng ba farologane le dikolo tsa bodumedi tse di neng di amogetswe mo nakong ya bone. Boobabedi e ne e le banna ba ba ratang go nna mo nageng. Boobabedi ba ne ba diragatsa fela fa ba sena go utlwa molaetsa o o reng "Go bua Morena," o o tswang kwa Modimong ka tshenolelo tlhamalalo. Boobabedi ba ne ba kgala ditlhopho tsa bodumedi le baeteledipele ba ba neng ba le ka nako ya bone. Mme go ne go sa nna jalo fala, ba ne ba kgala botlhe ba ba neng ba le bosula kana ba ba neng ba ka senya ba bangwe. Mme ela tlhoko, boobabedi ba ne ba porofeta thata kgatlhano boitsholo ja boaka ja basadi le ditsela tse di bosula tsa bone. Elija o ne a kgala Jesebele, mme Johane o ne a kgalemela Herodiase, mosadi wa ga Filipino.

Le mororo a tla seka a itsege thata, o tla tlotlomadiwa ke Modimo. Fela jaaka Jesu a ne a tlhomamisa gore Johane o boammaaruri, le Mowa o o Boitshepo o ne wa tlhomamisa gore Jesu o boammaaruri, re ka solofela gore monna yo o tla tlhomamisiwa pele ke Mowa o o berekang mo botshelong ja gagwe ka ditiro tsa maatla tse di ka se kang tsa ganediwa le tse di iseng ko di bonwe gope; mme Jesu ka boEne, fa a boa, o tla mo tlhomamisa, fela jaaka a ne a tlhomamisa Johane. Johane o ne a supa gore Jesu o ne a tla tla,— mme monna yo, fela jaaka Johane, o tla supa gore Jesu o etla. Mme go boa ga ga Keresete go tla rurufatsa gore monna yo ka boammaaruri e ne e le moetlapele wa gotla ga Gagwe ga bobedi. Se ke bosupi ja bofelo ja gore eleruri yo ke moperofeti yo o umakiwang mo go Malaki 4, ka gore kwa bokhutlong ja paka ya Baditšhaba go tla bo go bonala Jesu ka boEne. Ka nako eo go tla bo go setse go le thari thata mo bathong ba ba mo ganneng.

Gore re tle re kgone go tlhalosa sentle gore moperofeti yo wa paka ya bofelo ke mang, a re boneng gore moperofeti wa Mathai 11:12 e ne e le Johane Mokolobetsi, yo o neng a boleletswe pele mo go Malaki 3:1,

"Bonang, ke roma morongwa Wame, mme o tlaa baakanya tsela fa pele Game; mme Morena, Yo le mmatlant O tlaa tla mo tempeleng ya Gagwe ka tshoganetso, ebile tota morongwa wa kgolagano, yo le itumelang mo go Ene; bonang, O etla, go bua Morena wa masomosomo."

Mathai 11:1-12,

"Mme ya re fa Jesu a sena go fetsa go laya barutwa ba gagwe ba ba lesome le bobedi, a tloga teng, o ne a tloga a ya go ruta le go rera mo ditoropong tsa bone."

Jaanong e rile Johane a le mo ntlontlong ya kgolegelo, mme a utlwela ditiro tsa ga Keresete, a roma barutwa ba gagwe,

Mme a mmotsa a re, A ke wena Yo o tlang, kana re lebelele O sele?

Jesu a ba araba a re, tsamayang le fetle le bolelele Johane tse le di utlwang le tse le di bonang:

Difofu di a bona, digole di a tsamaya, balepero ba a phepafadiwa, bosusu ba a utlwa, baswi ba a tsosiwa, bahumanegi ba rerelwa Efangele.

Gosego yo o sa kgopisegeng ka ntata Yame.

Mme ya re fa ba tsamaya, Jesu a simolola go bua le matshwititswiti ka ga Johane a re, Le ne le ile kwa sekakeng go ya go bona eng? letlhaka le le neng la tshikingwa ke phefo?

Mme le ne le ile go bona eng? Monna yo o apereng diaparo tse di borethe? Bonang, ba ba apereng diaparo tse di boleta ba mo matlong a dikgosi.

Mme le ne le ile go bona eng? Moporofeti? Ee, ke a le bolelela, le yo o o gaisang moporofeti.

Gonne ke ene yo go kwadilweng ka ga gagwe. gotwe Bonang, ke romela morongwa Wame fa pele ga gago, yo o tlaa baakanyang tsela ya Gago fa pele ga Gago.

Ammaaruri ke lo raya ke re, Mo go ba ba tsetsweng ke basadi ga go ise go nne ope yo mogolo go feta Johane wa Mokolobetsi: mme yo mmotlana mo pusong ya magodimo o mogolo go mo feta."

Se se setse se diragetse. Se se setse se diragetse. Se fitile. Mme e la tlhoko janong mo go Malaki 4:1-6,

"Gonne bonang, letsatsi le etla le le tukang jaaka leubelo, mme botlhe ba ba ikgogomosang le botlhe ba ba dirang bosula ba tla nna jaaka lotlhaka; letsatsi le le tlang le tla ba fisa, go bua Morena wa masomosomo, ga le kitla le ba tlogelela modi le fa e le kala.

Mme lona ba le boifang Leina Lame, Letsatsi la Tshiamo le tla le tlisetsa phodiso mo diphukeng tsa Lone; mme le tla tswelkela, le gola gola jaaka dinamane tsa lesaka.

Mme le tlaa gataka baikepi; gonne ba tlaa nna melora ka fa tlase ga dinao tsa lona mo letsatsing le ke dirang se ka lone, go bua Morena wa masomosomo.

Gakologelwang molao wa ga Moše motlhanka Wame, o Ke o mo laetseng kwa Horebe e le wa Baiseraele botlhe, e bong melao le dikotlhao.

Bonang, Le tla le romelela moperofeti Elija pele ga letsatsi le legolo le le boitshegang la ga Jehofa le tla:

Mme o tlaa sokololela dipelo tsa borraabana go ya ko baneng, le dipelo tsa bana go ya ko go borraabone, e se re gongwe ka tla ka itaya lefatshe ka khutso."

Bona, gore ka bonako fela morago ga fa Elija YO a sena go tla, lefatshe le tla phepafadiwa ka molelo mme baikepi ba tla fisiwa go nna melora. Gone mme, se GA SE A SA sa diragala mo nakomh ya ga Johane (yo e neng e le Elija wa nako ya gagwe) Mowa wa Modimo o o neng wa bolelela pele ka go tla ga morongwa mo go Malaki 3:1 (eleng Johane) o ne o boeletsa mafoko a Gagwe a boporofeti a a mo go Isaia 40:3 a a neng a a buile dingwaga di ka nna makgolo a mararo pele ga foo.

"Lentswe la yo o goang ko nageng. Baakanyetsang Morena tsela, le siamise tsela ya Modimo wa rona mo sekakeng."

Jaanong Johane, ka Mowa o o Boitshepo, o ne a bolela Isaia le Malaki mo go Mathaio 3:3,

"Gonne ke ene yo moperofeti Isaia a buileng ka ga gagwe a re, Lentswe la yo o goang mo sekakeng le re, Baakanyetsang Morena tsela, siamisang ditsela ya Gagwe."

Ka jalo re kgona go bona sentle go tswa mo Dikwalong tse gore moperofeti yo o mo go Malaki 3, yo e neng e le Johane, e ne E SE moperofeti wa Malaki 4, le fa e le gore tota, Johane le moperofeti yo wa malatsi a bofelo ba na le Mowa o o tshwanang le o o neng o le mo go Elija.

Jaanong morongwa yo wa Malaki 4 le Tshenolo 10:7 o tla dira dilo tse pedi. Sa ntlha: Go ya ka Malaki 4, o tla sokololela dipelo tsa bana kwa go borraabone. Sa bobedi: O tla senola masaitseweng a ditudumo tse supa tsa maru mo go Tshenolo 10 tse e leng ditshenolo tse di mo dikanelong tse supa. Ke 'dithuto tse tsa masaitseweng tse di boammaruri' tse di senotsweng ke Modimo tse di tla fetolang dipelo tsa bana gore ba batle borre ba Pentekosete. Go ntse jalo.

Mme akanya gape ka se. Moperofeti wa morongwa yo o tla bo a na le botho le mekgwa e e tshwanang le ya ga Elija le Johane. Batho ba motlha wa moperofeti yo wa morongwa ba tla tshwana le

ba nako wa ga Ahabe le wa ga Johane. Mme e re ka e le "BANA FELA" ba dipelo tsa bone di tla fetogang, ke bana fela ba ba tla reetsang. Mo nakong ya ga Ahabe go ne ga fitlhelwa Baiseraele ba peo ya boammaaruri ba le 7.000 fela. Mo motlheng wa ga Johane le bone ba ne ba le mmalwa fela. Boidiidi ja batho mo metlheng eo ka bobedi bo ne bo dira kgokafalo ya kobamelo ya medimo ya disetwa.

Ke batla go bapisa gape moperofeti wa morongwa wa Laodikia le Johane, moperofeti wa morongwa yo o neng a tla pele ga go tla ga ntlha ga ga Jesu. Batho ba nako ya ga Johane ba ne ba mo tsaya e le Mesia.

Johane 1:19-20,

"Mme e ke yone kgatiso ya ga Johane, fa Bajuta ba roma baperesiti le Balefi kwa go ene, ba tswa Jerusalema, ba ya go mmotsa go ba re, O mang? Mme a ipolela, mme a se ka a itoba; a ipolela fela a re, Ga ke Keresete."

Jaanong mo letsatsing le la bofelo moperofeti wa morongwa o tla nna le maatla a magolo fa pele ga Morena mo e leng gore go tla nna le ba ba tla tsietsegang ba re ke Morena Jesu.

(Go tla nna le mowa mo lefatsheng mo motlheng wa bofelo o o tla tsietsang bangwe mme o ba dire gore ba dumele se.

Mathaio 24:23-26,

"Gonne go tlaa tla bo Keresete ba maaka, le baperofeti ba ba maaka, mme ba tlaa dira ditshupo tse dikgolo le dikgakgamatso; mo e leng gore fa go ne go ka kgonega, ba ne ba tla tsietsa le bone bakgetlha."

Bonang, ke le boletletse go sa le gale..

Ke gone fa ba le raya ba re, Bonang, o kwa sekakeng, le se ka la tsamaya. Fa ba re; bonang, o mo matlwaneng a sephiri, le se ka la dumela.")

Mme le se ka la dumela seo. Ga se Jeso Keresete. Ga se Morwa Modimo. KE MONGWE WABAKAULENGWE, MOPOROFETI, MORONGWA, MOTLHANKA WA MODIMO. Ga a tlhoke tlotlo e kgolo go feta e Johane a neng a e newa fa e ne e le lentswe le le neng la re, "a ke Ene, MME YOO TLANG FA MORAGO GAME KE ENE."

Pele ga re wetsa karolo e e kaga morongwa wa Paka ya Laodikia, re tshwanetse go sekaseka ka kelotlhoko megopolo e e mebedi. Sa ntlha, paka e e tla nna le Moperofeti wa Morongwa a le MONGWE. Tshenolo 10:7, ya re, "Fa a (bongwe) simolola go letsa." Ga go ise go ke go nne le paka epe e mo go yone Modimo a neng a naya batho ba Gagwe baporofeti ba babedi ba bagolo mo nakong e lengwefela. O ne a naya Enoke (a le nose); O ne a naya Noa (a le nosi); O ne a naya Moshe (e ne e le ene fela yo o neng a nang le Lefoko le mororo ba bangwe ba ne ba porofeta); Johane wa Mokolobetsi o ne a tla a le NOSI. Jaanong mo malatsing a a bofelo go tllile go nna le MOPOROFETA (e seng moperofeti wa mosadi—lemororo mo motlheng o go nang le basadi ba le bantsi ba ba ipolelang gore ba naya tshenolo ya Modimo go na le banna), mme Lefoko le le sa foseng le bolela gore ene (moperofeti) o tla senola masaitseweng a batho ba nako ya bofelo, mme a busetse dipelo tsa bana ko go borraabone.

Go na le ba ba reng batho ba Modimo ba tsile go kopana ka go senolelwa dilo mmogo. Ke gwetlha spoelole eo. Ke kgopolo e e sa utlwaleng, e e seng boammaaruri fa e bapisiwa le Tshenolo 10:7. Jaanong ga ke ganele gore batho ba tla porofeta mo motlheng o wa bofelo le gore bodiredi ja bone bo ka nna ja bo ja bo bo le boammaaruri. Ga ke ganetse gore go ne go na le baperofeti, fela jaaka go ne go ntse mo nakong ya ga Paulo fa go ne go na le moperofeti mongwe "yo o neng a bidiwa Agabo yo o neng a bolelela pele ka leuba". Ke dumalana le seo. MME KE GANETSA BOSUPI JO BO KA SE KANG JA GANEDIWA JA LEFOKO LA GORE GO NA LE MOPEROFETI WA MORONGWA YO MOGOLO YO O FETANG A LE MONGWE YO O TLA SENOLANG MASAITSEWENG A A MO LEFOKONG, LE YO O NANG LE BODIREDI JA GO SOKOLOLELA DIPELO TSA BANA KWA GO BORRAABONE. "Go bua Morena, ka Lefoko la Gagwe le le sa palelweng ke sepe, le eme, le tlaa ema, le tlaa tlotlomadiwa. Go na le moperofeti wa morongwa a le mongwe fela mo pakeng e.

Motho mongwe le mongwe o itse gore fa go na le batho ba le bantsi, go na le megopolo e e farologaneng tota le ka dintlha tse dinnye tsa thuto e kgolo e botlhe ba e dumelang. Ke mang yo o tla nnang le maatla a go sa dire diphoso a a tla busediwang mo pakeng e ya bofelo, ka gonne paka e ya bofelo e tla boa gape e bontsha Monyadiwa wa Lefoko le le Itshekileng? Seo se raya gore re tla bo re na le Lefoko gape jaaka le ne le neilwe ka botlalo, le jaaka le ne la tlhalogannngwa ka botlalo mo malatsing a ga Paulo. Ke tla go bolelela gore ke mang yo o tla nnang le yone. E tla bo e le moperofeti yo o tlhomamisitsweng ka botlalo, kana a tlhomamisitswe ka botlalo go feta moperofeti ope fela mo dinakong tsotlhe go tloga ka Enoke go fitlha gompiono, ka gonne monna yo o tla bo a na le bodiredi ja boporofeti jo bo botlhokwa thata, mme Modimo o tla mmontsha. Ga a kitla a tlhoka go ipuelela, Modimo o tla bua

mo boemong ja gagwe ka lentswe la tshupo. Amene.

Kakanyo ya bobedi e re tshwanetseng go e tshwaya mo dipelong tsa rona ke gore dipaka tse di supa tsa kereke e simolotse ka mowa wa moganetsakeresete mmogo le Mowa o o Boitshepo Yo o tla segofadiwang ka bosakhutleng.

I Johane 4:1,

"Baratwa, le se ka la dumela mowa mongwe le mongwe, mme lo leke mewa gore a e tswa mo Modimong; gonne baporofeti ba bantsi ba maaka ba aname mo lefatsheng.."

A le etse tlhoko seo? Mowa wa moganetsakeresete o tlhalosiwa e le baporofeti ba maaka. Dipaka di ne tsa tla ka baporofeti ba maaka mme ba tla tswa ka baporofeti ba maaka. Gone mme, go tla nna le MOPOROFETI WA MAAKA KA MMATOTA go ya ka fa go umakiwang ka monna yoo mo go Tshenolo. Mme jaanong pele ga a senolwa go tla tlhaga baperofeti ba le bantsi ba maaka.

Mathaio 24:23-26,

"E tla re fa mongwe a le raya a re, Bonang, Keresete ke yole, gongwe a re, Ke yole, le se ka la dumela."

Gonne go tlaa tlhaga bo Keresete ba maaka, le baperofeti ba maaka, mme ba tlaa dira ditshupo tse dikgolo le dikgakgamatso, gore ba tsietse, fa go ka kgonega, le bone bakgetlha."

Bonang , Ke le boleletse gale.

Jaanong fa ba le raya ba re, Bonang, o kwa sekakeng; le se ka la ya gope: Bonang, o mo matlwaneng a sephiri a a ko teng; le se ka la ba dumela."

Baperofeti ba ba maaka ba beetswe rona mo Dikwalong dingwe tse di farologaneng jaaka tse di latelang.

II Petere 2:1-2,

"Mme go kile ga nna ga tsoga le baperofeti ba e seng bone mo bathong, jaaka le mo go lona go tlaa nna baruti ba e seng bone, ba ba tlaa tsenyang dithuto tse di senyang, ka go kukunela mo teng ba ba ba itatola le yo e leng ene Morena yo o ba rekileng, mme ba iteretse tshenyego e e fefogang."

Batho ba le bantsi ba tlaa sala ditiro tsa bone tsa go kutlwisobothlhoko morago; mme tsela ya boammaaruri e tlaa kaiwa ka bosula ka ntlha ya bone."

II Timotheo 4:3-4,

"Gonne go tla tla nako e batho ba se kitlang ba iteseletsa go utlwa thuto e e itekanetseng ka one; mme ba tla ipatlela baruti ka fa dikeletsong tsa bone, e le ba ba tla ba tsikitlang ditsebe;

Ba tlaa itsubula mo boammaaruring, ba fapogela kwa mainaneng."

I Timotheo 4:1,

"Mowa o bua ka thanolo gore, mo nakong tsa morago bangwe, ba tlaa tlogela tumelo, ba tlhokomela mewa e e timetseng, le dithuto tsa bodiabile."

Jaanong mo maemong otlhe o tla lemoga gore moperofeti wa maaka ke mongwe yo o kwa ntle ga Lefoko. Fela jaaka re go bontshitse gore 'moganetsakeresete' o kaya 'moganetsakeresete' baperofeti ba maaka ba sokamisa Lefoko, ba le naya bokao jo bo tsamaisanang le maikaelelo a bone a bodiabile A o kile wa ela tlhoko kafa batho ba ba tsietsang ba bangwe ba ba tshwarang thata ka teng ka ntlha ya poifo? Ba re fa batho ba sa dire se ba se buang, kana ba tsamaya, go tla latela tshenyego. Ke baperofeti ba maaka, ka gonne moperofeti wa boammaaruri ka metlha o tla isa motho kwa Lefokong le go golaganya batho le Jesu Keresete mme ga a kitla a bolelela batho gore ba mmoife kana gore ba boife se a se buang, mme ba boife se Lefoko le se buang. Ela tlhoko kafa batho ba ba ba tshwanang le Judase ba batlang madi ka teng. Ba dira gore o rekise sengwe le sengwe se o nang le sone mme o se neye bone le maano a bone. Ba dirisa nako e ntsi ba dira ditshupelo go na le go ruta Lefoko la Modimo. Ba ba le kang go dirisa dineo ba tla dirisa dimpho tse di nang le phoso mo go tsone mme ba bo ba kopa madi, mme ba tlhokomologa Lefoko mme ba le bitsa la Modimo. Mme batho ba tla ya kwa go bone, ba ba itshokela, ba ba tshegetsatsa, ba ba dumela, ba sa itse gore ke tsela ya lesa.

Ee, lefatsheng le tletse ka baiketsise. Mo letsatsing leo la bofelo ba tla leka go etsa moperofeti yoo.

Barwa ba ga Sekefa ba ba supa ba ne ba leka go etsa Paulo. Simone wa moloi o ne a leka go etsa Petere. Go iketsisa ga bone go tla nna ga senama. Ga ba kitla ba kgona go dira se moporofeti wa boammaaruri a se dirang. Fa a re tsosoloso e fedile ba tla tsamaya ba impolela gore ba na le tshenolelo e kgolo gore se batho ba nang naso se siame tota le gore Modimo o tliile go dira dilo tse dikgolo le tse di gakgamatsang mo bathong. MMe batho ba tla dumalana le seo. Baperofeti ba ba maaka ba tla ipolela gore morongwa wa letsatsi la bofelo ga a ithutelabodumedi, ka jalo ga a tshwanela go reediwa. Ga ba kitla ba kgona go tlhagisa se morongwa a ka se dirang; ga ba kitla ba buelwa ke Modimo jaaka moporofeti yoo wa letsatsi la bofelo, mme ka mafoko a bone a magolo a a ikogomolang le ka bokete ja go itsege ga bone mo lefatsheng lotlhe ba tla tlhagisa batho gore ba se ka ba reetsa monna yoo (morongwa) mme ba tla re o ruta maaka. Ba dira fela jaaka borraabone, ba Bafarasai, ba e neng e le ba ga diabololo, ka gonne ba ne ba bua gore Johane le Jesu ba ne ba ruta maaka.

Jaanong ke ka ntlha ya eng fa baperofeti ba ba maaka ba tla kgethanong le moporofeti wa boammaaruri mme ba nyatsa thuto ya gagwe? Ka gonne ba dira jaaka borraabonemogologolwane fa ba ne ba ganetsa Mikaia mo nakong ya ga Ahabe. Go ne go na le ba le makgolo a mane, mme botlhe ba ne ba dumalana; mme botlhe ba ne ba tsietsa batho ka go bua selo se le sengwe fela ba bo ba dumelana. Mme moporofeti YO A LE MONGWEFELA—ale mongwefela—o ne a bua boammaaruri mme ba bangwe botlhe ba ne ba le phoso ka gonne Modimo o ne a neetse tshenolo eo MOTHO A LE MONGWEFELA.

Lee le tlhoko bapofeta ba maaka, gonne ke diphiri tse di garolakang.

Fa e le gore o sa ntse o belaela ka se, kopa Modimo ka Moya wa Gagwe gore o go tlatse le go go etelela pele, KA GORE BATHO BA BA KGETLHELWENG GA BA KETLA BA TSIEDIWA. A le utwile seo? Ga go na motho ope yo o ka go tsietsang. Paulo o ne a ka se tsietsa ba ba kgetlhelweng fa a ka bo a ne a le phoso. Mme mo Pakeng eo ya ntlha ya Baefesia ba ba neng ba kgetlhelwe ba ne ba sa kgone go tsiediwa ka gonne ba ne ba leka baaposetoloi le baperofeti ba maaka mme ba ba fitlhela e le baaki mme ba ba koba. Hallelujah. Dinku tsa GAGWE di utlwa lentswe la GAGWE mme di mo sala morago. Amene. Ke dumela seo.

Ditumediso

Tshenolo 3:14,

"Dilo tse di buiwa jalo ke Amen, yo o Boikanyo le Mosupi yo oe boammaaruri, Tshimologo ya Lepopo la Modimo."

Hei , a seo ga se tlhaloso ya dinonofa tsa Morena wa rona yo o rategang le Mmoloki, Jesu Keresete? Mafoko a a dira gore ke batle go goa. Di tsietsa maikutlo a Mowa wa tiragalo ya boammaaruri mo pelong yame. Go di bala fela ntleng le go emela tshenololelo e e tlhomameng ya Mowa go a intumedisa.

Jesu o re naela tlhaloso e ya Gagwe malebana le paka ya bofelo. Malatsi a go tshagofatso a felelela. O ile a lebelela go tswa mo dingwageng tse di lekholo tsa ntlha go fitlha ka la dingwaga tsa bomasome a mabedi mme a re bolelela dilo tsotlhe tse di malebana le paka e. Pele ga a re senolela dilo tse di tla diragalang mo pakeng ya bofelo, o re fa ponelopele ya bofelo ya Bomodimo ja Gagwe jo bo tshagofatso. Se ke one motsubo wa tshenolelo ya BoEne.

Go bua jalo "AMENE". Jesu ke Amene wa Modimo. Jesu ke "A go Nne Jalo" wa Modimo. Amen o raya gore go tla nna jalo ka bosakhutleng. O emetse go amogelwa. O emetse tsholofetso e e fenyang. O emetse tsholofetso e e sa fetogeng. O emetse sekano sa Modimo.

Ke batla gore le lebelele se ka kelotlhoko mme le bone sengwe se se molemo le se sentle. Ke ne ka re se ke tshenolo ya Gagwe ya nako ya bofelo. Fa letsatsi la mohau le fela, go tswa foo go tla bo go tsena mileniamo ka nako e e khutshwane, a ga go jalo?

Ee, bala le nna Isaia 65:16-19.

"Gore yoo yo o tshagofatsang mo lefatsheng o tlaa tshagofatso ka Modimo wa boammaaruri; le yo o ikanang mo lefatsheng o tlaa ikana ka Modimo wa boammaaruri; gonne matshwenyego a pele a lebetswe, mme ka gore difitlhagile mo matlhong ame."

Gonne bonang, ke tdira magodimo a masha le lefatsheng le lesa: mme dilo tsa pele ga di ketla di gakologelwa, le fa e le go tla mo mogopolong."

Mme itumeleng, le itumele ka bosakhutleng ka ga se ke se bopang; gonne bonang, ke dira Jerusalema go nna boitumelo, le batho ba gagwe go nna boitumelo."

Mme ke tlaa ipela ka Jerusalema le boitumelo ko morafeng Wame: ga go ketla go tlhola go utlwiwa lentswe la selelo mo go ene, le fa e le lentswe la selelo."

Se ke ka ga Jerusalema yo Mosha. Se ke mileniamo. Mme jaaka fa re tsena mo mileniamong, utlwa se

a se buang ka go nna mofuta mongwe wa Modimo, mo Temana 16,

"Gore yo o itshogofatsang mo lefatsheng o tla itshogofatsa mo Modimong wa boammaaruri."

Ee, seo ke boammaruri, mme thanolo ya mmatota ga se "Modimo wa boammaaruri". Ke "Modimo wa AMENE". Ka jalo re bala gore, "o tla itshegofatsa ka Modimo wa Amene, mme yo o ikanang mo lefatsheng a a ikane ka Modimo wa AMENE; gonne matshwenyego a pele a lebetswe, le ka gonne a fitlhegile mo matlhong Ame. Gonne, bonang, ke dira magodimo a masha le lefatsheng le lesh: mme dilo tsa pele ga di ketla di gakologelwa, le fa e le go tla mo mogopolong. Mme itumeleng, le ipele ka bosakhutleng mo go se ke se bopang, gonne, bonang, ke dira Jerusalema go nna boitumelo, le batho ba gagwe go nna boitumelo. Mme ke tlaa ipela mo Jerusalema, le boipela mo bathong Bame: mme lentswe la selemo ga le ketla le utlwala mo go ene; le fa e le lentswe la selemo sa khutsafalo," Hallelujah. Fa ke Jehofa wa Tesetamente e Kgologolo, "Modimo wa Amene". Fa ke Jesu wa Tesetamente e Ntsha, "Modimo wa Amen". Utlwang, wena Iseraele, Morena Modimo wa gago ke Ene Modimo ale MONGWEFELA. Ke eo gape, Jehofa wa Tesetamente e Kgologolo ke Jesu wa Tesetamente e Ntsha. "Utlwang, wena Iseraele, Morena Modimo wa gago ke Ene Modimo ale MONGWEFELA." Tesetamente e Ntsha ga e senole MODIMO YO Mongwe gape, ke koketsego ya tshenolo ya MODIMO YO O TSHWANANG. Keresete ga a ka a tlela go re a ikitsese batho. Ga a tlela go go senola Morwa. O ne a tla go senola le go itsise Rara. Ga a ise a ko a bue ka medimo e Mebedi; o ne a bua ka Modimo O LE MONGWEFELA. Mme jaanong mo pakeng e ya bofelo, re boetse kwa tshenolong ya motheo, tshenolo e e bothokwa thata ya Bomodimo mo Baebeleng yotlhe, ke gore, JESU KE MODIMO, ENE LE RRE KE BA SELO SE LE SENGWEFELA: GO NA LE MODIMO O LE MONGWEFELA, MME LEINA LA GAGWE KE MORENA Morena JESU KERESETE.

Ke Modimo wa Amene. Ga a nke a fetoga. Se a se dirang ga se fetoge. O a se bua, mme sa bo se ema se sa fetoge. O dira jalo, mme se direga ka bosakhutleng. Ga go na ope yo o ka fokotsang se A se buang kana a se oketsa. Ago nne jalo. Amene. A go nne jalo. A ga le itumelele gore le direla Modimo yo o ntseng jalo? O ka itse sentle gore o fa kae le Ene ka nako nngwe le nngwe le ka nako tsotlhe. Ke Modimo wa Amen mme ga a kitla a fetoga.

"Dilo tse di buiwa ke AMENE."

Ke rata seo. Go raya gore sepe fela se a se buileng se feletse se tla diragadiwa. Go raya gore sepe fela se A se buileng ka paka ya ntlha le ya bobedi le mo dipakeng tsotlhe ka ga kereke ya Gagwe ya boammaaruri le ka mofine wa maaka se siame tota mme ga se kitla se fetoga. Go raya gore se A se simolotseng mo go Genesise, O tla se feleletsa mo go Tshenolo. O tshwanetse go dira jalo ka gonne ke Ene Amen, A GO NNE JALO. Jaanong re kgona go bona gape gore ke ka ntlha ya eng fa Diabole a tlhoile Dibuka tsa Genesise le Tshenolo. O tlhoile boammaaruri. O itse gore boammaaruri bo tla fenywa. O itse se gore phelelo ya gagwe e tla nna jang. Ka fa a lwantshang seo. Mme re ka fa letlhakoreng le lefenyang. Rona (Ke raya badumedi ba Lefoko la Gagwe fela) re mo letlhakoreng la Amene.

"Dilo tse di buiwa ke Mosupi yo o Boikanyego le yo o Boammaaruri." Jaanong ke batla go le bontsha gore ke lemogile eng mo mogopolong wa "go ikanyega". Le itse gore gantsi re bua ka Modimo yo mogolo yo o sa fetogeng, Yo Lefoko la Gagwe le sa fetogeng. Mme fa re bua ka Ene ka tsela eo gantsi re mo leba ka tsela e e dirang gore a lebege A se motheo wa mmatota. O kare Modimo o dirile lobopo lotlhe le melao yotlhe e e amanang le lone mme morago ga moo a tlogela go dira jalo mme a nna Modimo yo mogolo yo o seng mo senameng. Go ntse jaaka e kete Modimo o dirile tsela ya poloko ya batho ba ba latlheleng, tsela eo e le ya sefapaano, mme fa leso la ga Keresete le sena go duela dibe tsa rona, mme tsogo ya Gagwe e re bulela kgoro ya go tla kwa go Ene, Modimo o ne a phutha mabogo a Gagwe mme a ema kwa morago. Go ntse jaaka e kete re tumisitse mo go dumeleng mo Mmoping yo mogolo, Yo e rileng fa a sena go bopa, a bo a latlhelwa ke kgetlhego mo lebopong ya Gagwe. Jaanong ke bua gore ke fa ka batho ba le bantsi ba akanya ka teng. Mme go akanya jalo go phoso, ka go re Modimo o BUSA MO MATSHELONG A BATHO GONE GOMPIENO. KE ENE MMOPI GAPE KE MOTLAMEDI.

Bakolosa 1:16-17.

"gonne dilo tsotlhe di bopilwe mo go ene, tse di kwa magodimong, le tse di mo lefatsheng, dilo tse di bonalang, le dilo tse di sa bonaleng, le fa e ka ne e le manno a magosi, kana magosi, kgotsa magosana, kana mebuso, dilo tsotlhe di bopilwe ka ene, di bile di bopetswe ene:

Mme O ntse pele ga dilo tsotlhe, mme dilo tsotlhe tlholega mo Ene."

Ke Modimo Molaodimogolo. Ka kgakololo ya Gagwe O ne a ikaelela go dira thulaganyo ya poloko ya batho ba Gagwe ba a ba kgethileng ba a neng a baitsetsepele. Morwa o ne a swela mo sefapaanong go simolola tsela ya poloko mme Mowa o o Boitshepo o diragatsa thato ya ga Rara ka kelotlhoko. O dira dilo tsotlhe gone jaanong go ya ka maikaelelo a thato ya Gagwe. O mo gare ga dilo tse tsotlhe. O mo gare ga kereke ya Gagwe. Mmopi yo yo mogolo, Mmoloki-Modimo o dira ka boikanyegi mo gare ga ba Gagwe

gone jaanong jaaka Modisa yo mogolo wa dinku. Boleng teng ja Gagwe ke ja Gagwe. O a ba rata e bile o a ba kgathalela. Matlho a Gagwe a nna a tlhomile mo go boneng. Fa Lefoko le bua gore " matshelo a lona a fithegile le Keresete mo Modimong" le raya se tota le se buang. Oo, Ke itumelela gore Modimo wame o nna a ikanyega. O a ikanyega mo go Ene, ga a ke a aka. O ikanyega mo Lefokong la Gagwe, o tla le tshegetsatsa. O a boikanyego mo go rona, Ga Akitla a latlhelgelwa ke ope wa rona, mme o tla re tsosa mo letsatsing la bofelo. Ke itumelela gore ke ikhuditse mo boikanyenging ja Gagwe.

Bafilipi 1:6.

"Ke ntse ke ikantse mo selong se, gore yo o simolotseng tiro e e molemo mo go lona, o tlaa e sweletsa go fitlhelela Letsatsi la ga Jesu Keresete."

"Ke Mosupi wa Boammaaruri."

Jaanong lefoko le, ke boammaaruri, ke lone lefoko le re neng ra le bona kwa mo go Tshenolo 3:7. Le gakologelwa gore ga le reye 'boammaaruri' jaaka fa le farologana le'maaka.' Le na le tlhaloso e e tletseng, e e boteng go gaisa. Le tlhalosa go diragadiwa ka botlalo go farologana le go diragadiwa go sekae fela. Jaanong morago kwa Motlheng wa Filadelefiya, go tla ga Morena go ne go atamela. A bo paka e e ne e supa lerato le legolo jang ne mo go Ene!

E nngakolola mafoko a a mantle a mo go Petere 1:8,

"Yo, le fa le ise le mmone le mo ratang, mo go Yo, le fa le sa mmone, mme le dumela mo go ene, le bo le itumela thata mo go ene, ka boitumelo jo bo sa ka keng ja bolelwa, jo bo tletseng kgalalelo."

Le rona itumela le bone. Ga re ise re mmone, mme re mo ikutlwaletse. Gone jaanong re a mo itse go ya kafa ditlhaloganyo tsa rona tse di lekanyeditsweng di re letlang ka teng. Mme ka letsatsi lengwe e tla bo e le difatlhogo di lebane. Moo ke ga paka e. O tla kwa bofelong ja paka e. Boitemogelo bo bo sa felelang bo tla dirwa BOITEMOGELO JO BO ITEKANETSENG, BOITEMOFELO JO BO FELETSENG. Hallelujah! Re ntse re lebile ka galase e e lefifi, mme go ise go ye kae re tla lebane difatlhego di lebane. Re ntse re tsamaya go tswa kgalalelong go ya kgalalelong, mme go ise go ye kae re tla bo re le mo kgalalelong; mme re tla PHATSIMA MO KGALALELONG YA GAGWE. RE TLA TSHWANA LE ENE, RE TSHWANA LE ENE MO GO ITUMEDISAN, JESO MMOLOKI WA RONA WA BOMODIMO! A ga go itumedise? Re feletse mo go Ene. Seo ke Boammaaruri. Ga a ketla a re aketsa ka ga seo. Mme ka letsatsi lengwe dikarolo tsa mebele ya rona do tla fetoga. Re tla nna batho ba ba sa sweng. Re tla tesna mo go tsheleng ruri. Ka jalo re tla LEMOGA BOITEMOGELO.

"Ke Mosupi lwa Boammaaruri Yo o Boikanyego."

Jaanong akanya ka lefoko leo, 'mosupi.' Ke lone lefoko le le tswang mo lefokong 'moswelatumelo.' Baebele e bua ka Setefane le Antipase le ba bangwe e le baswelatumelo. E ne e le baswelatumelo; gape e ne e le basupi. Jesu e ne e le moswelatumelo yo o ikanyegang Mowa o o Boitshepo ke mosupi wa seo. Mowa le one o supa ka ga seo. Lefatshe le ne le tlhoile Jesu. Le ne la mmolaya. Mme Modimo O ne A mo rata mme O ne A ya kwa go Rara. Bosupi ja gore o ne a ya kwa go Rara ke gore Mowa o o Boitshepo o ne wa tla. Fa Jesu a ne a sa amogelwa ke Rara, Mowa o ne o ka se ke wa tla.

Bala ka go ne mo go Johane 16:7-11.

"Le fa go ntse jalo ke le bolelela boammaaruri; go ka nna molemo mo go lona fa ke tsamaya, gonne fa ke sa tsamaye, Mogomotsi ga a ketla a tla mo go lona; mme fa ke tsamaya, ke tlaa mo romela kwa go lona."

Mme ene o tlaa re a tsile, o tlaa kgalemelela lefatshe sebe, le ka ga tshiamo, le ka ga katlholo:

Ka ga bolelo, ka gonne ga ba dumele mo go Nna:

ka ga tshiamo, ka ke ya kwa go Rara, mme le sa ka ke la tlhola le mpona;

Ka ga katlholo, ka gonne molaodi wa lefatshe le o atlhotswe."

Boleng teng ja Mowa o o Boitshepo mo lefatsheng le go na le gore Jesu a nne teng fa, go supa gore Jesu o ne a siame mme a ya kwa go Rara.

Mme gape e bua jalo mo go Johane 14:18.

"Ga nketla ke le tlogela le SE NA MOGOMOTSI, ke tla tla kwa go lona."

O ne a romela Mogomotsi. E ne E LE MOGOMOTSI. O ne a boela mo kerekeng ya boammaaruri a le mo MOWENG. Ke MOSUPI yo o ikanyegang le yo o boammaaruri mo gare ga kereke. Mme ka letsatsi

lengwe o tla boa gape a le mo nameng gape. Mme o tla supa gore ke Mang a le esi yo o mothatiyotlhe,— ke Ene , e bong ene, Jesu Keresete Morena wa Kgalalelo.

Mosupi yo o Ikanyegang le yo o Boammaaruri, Mmopi le Motlamedi, Boitemogelo jo bo Itekanetseng, Amene wa Modimo.

A bo ke Mo rata jang ne, ke Mo obamela jang ne, Jesu Morwa Modimo.

Ke batla go konela dikakanyo tsame ka karolo e ya tumediso ka mafoko a no:

Bakorintha 1:18-22.

Jaaka Modimo o le boikanngo, mafoko a rona mo go lona ga se ee, le nnyaa.

Gonne Morwa Modimo, Jesu Keresete, yo o rerilweng mo go lona ke rona, e bong ke nna le Silefano le Timotheo, e ne e se go re, ee le nnyaa, mme mo go ene ke ee fela.

Gonne le fa dipolelo tsa tsholofetso tsa Modimo di ka bo di le dintsi jang, mo go Ene go na le ee fela, le mo go Ene go leng Amene, o wa rona ka ene, kgalaletsong ya Modimo ka rona.

Jaana yo o tlhomamisang rona le lona mo go Keresete, le yo o re tloditseng, ke Modimo;

Yo o bileng a re kana, wa re naya peeletso ya Mowa mo pelong tsa rona."

"Tshimologo Ya Lebopo La Modimo."

Ke se Morena Jesu Keresete a reng O sone. Mme mafoko ao ga a reye jaaka a utlwalega mo go rona. Go a tsaya fela jaaka a utlwala go dirile gore batho bangwe (tota boidiidi ja batho) ba akanya gore Jesu e ne e le lepopo la ntlha la Modimo, mme seo se dira gore A nne kwa tlase ga Modimo. Go tswa foo popo le la ntlha le ne la bopa lebopo lotlhe la lebopo le sepefele se se mo go lone. Mme seo ga se siama. Le a itse gore se ga se tsamaelane le Baebele yotlhe. Mafoko a re, "Ke Ene MOSIMOLODI kana MOKWADI wa popo ya Modimo." Jaanong re itse ka tlhomamo gore Jesu ke Modimo, Modimo tota. Ke Ene Mmopi.

Johane 1:3

"Dilo tsotlhe di dirilwe ke Ene; mme kwa ntle ga Gagwe ga se ka ga dirwa sepe sa tse di dirilweng."

Ke Ene yo go buiwang ka Ene, mo go Gen. 1:1

"E rile mo tshimologong Modimo wa bopa legodimo le lefatshe".

Le gape ya re mo go Ex. 20:11,

"Gonne Morena o dirile legodimo le lefatshe mo malarsing a a maratara le lewatle le tsotlhe tse di mo go tsone, mme a ikhutsa ka letsatsi la bosupa."

Bona, ga go na pelaelo gore ke Ene Mmopi. E ne e le Ene Mmopi wa POPO E EBONALANG.

Ruri re kgona go bona gore mafoko a raya eng gone jaanong. Fa go ne go ka tlhalosiwa ka tsela e nngwe go ne go tla raya gore Modimo o bopile Modimo. Modimo o ka bopiwa jang fa e le gore Ene ka boEne ke Mmopi?

Mme jaanong O eme mo gare ga Kereke. Fa a ntse a eme foo a senola Yo o mo pakeng e ya bofelo, O ipitsa "Mokwadi popo ya Modimo". Mo ke POPO E NNGWE. Se se amana le kereke. Ke leina le le kgethegileng la Gagwe. Ke Ene MMOPI wa kereke eo. Monyadi wa selegodimo o itiretse monyadiwa wa Gagwe. Jaaka Mowa wa Modimo, O ne a fologa mme a bopa mo kgarebaneng e e bidiwang Marea disele tse mmele wa Gagwe o neng wa tsholwa ka tsone. Ke bata go boelela seo. O ne a bopa disele tse di neng di le mo sebopele sa ga Marea gore e nne mmele wa Gagwe. Mowa o o Boitshepo o ne o sa lekana go naya lee la motho botshelo le le neng le ntshitswe ke Marea. Moo e ne e tla bo e le batho ba ba nang le bolelo ba ba ntshang mmele. Moo go ne go sa ka ga ntsha "Adame wa bofelo". Go ne ga buiwa jaana ka Ene "Bonang O (Rara) mpaakanyeditse mmele." Modimo (eseng Marea) o ne a fa mmele oo. Marea e ne e le yo o elamang wa setho mme o ne a ithwala Ngwana yoo yo o Boitshepo mme a mo tshola. E ne e le Modimo-motho. E ne e le Morwa Modimo. E ne e le wa popo E NNTSHA. Motho le Modimo ba ne ba kopana mme ba tshwaragana; e ne e le Ene wa ntlha wa letso le lesa. Ke Ene tlhogo ya letso le lesa.

Bakolosa 1:18,

"Mme ke Ene tlhogo ya mmele, e bong kereke: ene yo e leng tshimologo, le motsalwapele go tswa mo baswing; gore mo dilong tsotlhe, Ene A bone boemo jo bo kwa

pele."

Bakorintha 5:17

"Ke gone, fa motho a le mo go Keresete, o a bo a le sebopiwa se seša; dilo tsa bogologolo di fetile; bonang, di ntse dintšha."

Foo o ka lemofa gore lefa motho e ne e le wa THULAGANYO YA BOGOLOGOLO kana popo, jaanong o mo TSHWARAGANONG LE KERESETE, o fetogile Popo E NTSHA ya Modimo.

Baefeso 2:10,

"Gonne re tiro ya One, re BOPETSWE DITIRO TSE DI MOLEMO MO GO JESO."

Baefeso 4:24,

"Mme le apare MOTHO YO MOSHA, yo o bopilweng ka fa Modimong mo tshiamong, le mo boitshepong ja boammaaruri.."

Popo e e Ntšha ga se popo ya bogologolo e e neng ya dirwa sesha, kana e ne e ka se ka ya bidiwa popo e ntšha. Se ke sone se e se boelang, "POPO E NTSHA". Ke popo e nngwe, e e farologaneng le ya pele. Ga a tlhole a dira dilo ka tsela ya senama. Ke kafa a neng a dirisana le Baiseraele ka teng. O ne a tlhophya Aberahame, le wa lesika la ga Aberahame ka lesika la ga Isake yo o nang le poifo Modimo. Mme jaanong o ikaetse go bopa batho ba mefuta yotlhe, matso le ditšhaba tse disha. Ke Ene popo eo ya ntlha. E ne e le Modimo yo o neng a bopiwa ka popego ya setho. Jaanong ka Mowa wa Gagwe O itirela barwa ba le bantsi. Modimo Mmopi, a ipopa karolo ya popo ya Gagwe.

Se ke thenolelo ya boammaaruri e e tswang kwa Modimong. Se e ne e le Maikaelelo a Gagwe. Maikaelelo a a ne a tsaya popego ka go tlhophiwa. Ke gone ka moo a neng a kgona go lebelela go fitlhelela ko pakeng ya bofelo fa dilo tsothle di tla bo di fedile mme a bo a ipona a santse a le mo gare ga kereke, jaaka mokwadi wa popo e e Ntšha ya Modimo. Maatla a Gagwe a go Busa a ne a go diragatsa. O ne a tlhophya maloko a popo e e Ntšha ka go dira tshwetso ya Gagwe. O ne a ba laoletsepele go nna bana go ya ka thato ya Gagwe e e molemo. O ne a diragatsa jalo ka go bo a itse dilo tsothle e bile a na le maatla otlhe. O ne a ka itse jang gore o ne a tla ema mo gare ga kereke a amogela kgalalelo go tswa mo bakaulengweng ba gagwe fa a ne a sa tlhomamisa? O ne a itse dilo tsothle, mme o ne a dira dilo tsothle go ya ka se a neng a se itse gore maikaelelo a Gagwe le go rata ga Gagwe go diragale.

Baefeso 2:11

"Mo go Ene le rona re ne ra tlhophiwa go nna baruaboswa, ka re ne ra laoletsewepele ka fa maikaelelong a yo o dirang dilo tsothle ka fa maikaelelo a thato ya Gagwe."

Hallelujah! A ga o itumelele go bo o le wa Gagwe!

Molaetsa wa Paka Ya Laodikia

Tshenolo 3:15-19

"Ke a di itse ditiro tsa gago, jaaka o se tsididi, e bile o se molelo: Ke rata go re o bo o le tsididi kgotsa molelo."

Jaanong ka o le bothitho fela, o se molelo le fa e le tsididi, ke tla go kgwla kwantle ka molomo Wame."

Gonne o a re, ke mohumi, ke na le dithoto tse di ntsi tse di oketsegileng, ga ke tlhoke sepe; mme ga o itse fa o bohutsana, le yo o tlhomolang pelo, le mohumanegi, le sefofu, le yo o sa ikategang;

Ke go gakolola gore o reke gouta mo go nna, e e itshekisitsweng ka molelo, gore o tle o hume; le diaparo tse ditshweu gore o tle o apare, mme ditlhong tsa go tlhoka go sa ikatega ga gago di se ka tsa senoga; le setlolo sa matlho go tshasa matlho a gago, gore o tle o bone."

Botlhe ba ke ba ratang ke a ba kgalemela, ke a ba Otlhaya: ka jalo, tlhagafala, mme o ikotlhaye."

Fa re ntse re bala se mmogo ke tlhomamisa gore le lemogile gore Mowa ga o a bua sepe se se molemo ka paka e. O ba latofatsa ka dilo tse pedi a bo a ba bua katlholo ya Gagwe mo go bone.

(1) Tshenolo 3:15,16

"Ke itse ditiro tsa gago gore ga o tsididi e bile ga o bolelo:"

Ke eletsa e kete o ka bo o le tsididi kana o le mogote. Jaanong ka o le bothitho fela, o se molelo le fa e le tsididi, ke tla go kgwela ko ntle ka molomo wa me."

Re tla sekaseka kgang e ka kelotlhoko. E bua gore setlhopha se sa kereke ya paka ya Laodikia se bothitho. Go nna mololo mo go tlhoka kotlhao go tswa ko Modimong. Kotlhao ke gore o tla ba kgwela kontle ga molomo wa Gagwe. Ga re batle go latlhega fa jaaka batho ba le bantsi ba latlhegile. Ba bua ka go tsela ya go tlhoka botlhale gore Modimo o ka go kgwela kontle ga molomo wa Gagwe mme seo se supa gore ga go na boammaaruri bope mo thutong ya boitshoko ja Baitshepi. Ke batla go baakanya ka fa le akanyang ka yone gone jaanong. Temana e ga e a neelwa motho mongwe. E filwe kereke. O bua le kereke. Mo godimo ga moo, fa le ka nna fela le tshegeditse Lefoko mo megopolong ya lona le tla gakologelwa gore ga go na gope mo le reng re mo MOLOMONG wa Modimo. Re kwadilwe mo diatleng tsa Gagwe. Re rwelwe mo sehubeng sa Gagwe. Bogologolo ka nako ya paka e esa itsiweng ga nako re ne re le mo mogopolong wa Gagwe. Re mo lesakeng la Gagwe la dinku, le mo mafulo a Gagwe, mme ga re mo molomong wa Gagwe. Mme ke eng se se mo molomong wa Morena? Lefoko le mo molomong wa Gagwe.

Mathaio 4:4

"Mme a araba a re, Go kwadilwe ga twe, Motho ga a ketla a tshela ka senkgwe fela, mme o tshela ka Lefoko lengwe le lengwe le le tswang mo molomong wa Modimo."

Le rona Lefoko le tshwanetse go nna mo melomong ya rona. Jaanong re a itse gore kereke ke mmele wa Gagwe. Ke gone fa fa e tsayang maemo a Gagwe. Ke eng se se tla bong se le mo molomong wa kereke? Ke LEFOKO.

I Petere 4:11

"fa motho mongwe a bua, a e nne jaaka fa a bua mafoko a Modimo."

II Petere 1:21

"Gonne ka nako e e fetileng seporofeto ga se a ka sa tla gorata ga motho fela: mme e ne e le ka banna ba ba boitshepo ba Modimo ba ne ba bua ka tlhotlheetso ya Mowa o o Boitshepo."

Jaanong ke eng se se phoso ka batho ba ba malatsi a bofelo? BA DULE MO LEFOKONG. GA BA SA TLHOLE BA LE TLHAGA KA GA LONE. BA MOLOLO KA GA LONE. Ke tsile go tlhomamisa seo gone jaanong.

MaBapotisete ba na le ditumelo le dithuto tsa bone tse di theilweng mo Lefokong mme ga o kake wa di fetola. Ba re malatsi a baaposetoloi a dikgakgamatso a fetile mme ga go na Kolobetso ya Mowa o o Boitshepo morago ga go dumela. Ba-Methodist ba bua (ba ikaegile ka Lefoko) gore ga go kolobetso ya metsi (go kgatsha ga se kolobetso) le gore go itshepisiwa ke kolobetso ka Mowa o o Boitshepo. Kereke ya ga Keresete e na le bokgoni jo bogolo mo kolobetsong ya go tsosolosiwa mme mo makgetlhong a le mantsi ba tsena mo metsing e le baleofi ba ba omileng mme batswe ele baleofi ba ba metsi. Lefa go ntse jalo ba bus gore thuto ya bone e theilwe ka Lefokong. Tsamaya go fitlhela o tsena kwa Bakereseteng ba Pentekosete. A ba na le Lefoko? Ba leke ka Lefoko mme o te o bone. Ba tla ananya Lefoko la Modimo go emelwa ke maikutlo ka nako nngwe le nngwe. Fa o ka kgona go ntsha ditshupo tse di tshwanang le lookwane le madi le diteme le ditshupo tse dingwe, e ka tswa e le mo Lefokong kana nnyaa, kana e ka tswa e le go le ranola sentle go tswa mo Lefokong, bontsi bo tla dumela. Mme jaanong go diragetseng eng ka Lefoko? Lefoko le ne la beelwa ko tlhoko, ka jalo Modimo a re, "Ke kgatllhanong le lona lotlhe. Ke tla le kgwela kwantle ga molomo Wame. Se ke bokhutlo. Ka bosupa mo dipakeng tse supa, ga ke ise ke bone sepe fa e se batsho ba tseetseng kwa godimo mafoko a bone go feta Lame. Ka jalo, ka bokhutlong ja paka e ke tla le kgwela kwantle ga molomong Wame. Go fedile. Ke tsile go bua sentle. Ee, ke fa mo gare ga Kereke. Amen wa Modimo, yo o ikanyegang le yo o boammaaruri o tla iponagatsa mme e TLA NNA KA MOPOROFETA WAME." Oo ee, go ntse jalo.

Tshenolo 10:7

"Mme e tlaa re mo malatsing a lentswe la moengele wa bosupa, fa a tlaa tloga a letsa, foo go bo go wediwa masaitseweng a Modimo, ka fa mafokong a a molemo a o a boleletseng baperofeti batlhanka ba One." ."

Ke leo. O romela moporofeta yo o tlotlomaditsweng. O romela moporofeti morago ga dingwaga di ka nna dikete tse pedi. O romela motho yo o sa tsamaelelaneng le mokgatllho, thutego, le lefatshe la bodumedi jaaka Johane wa Mokolobetsi le Elija wa bogologolo, O tla utlwa fela go tswa mo Modimong mme o tla bua fela " go bua Morena" mme a bue mo boemong ja Modimo. O tla nna molomo wa Modimo mme JAKA GO BOLETSWE MO GO MALAKI 4:6, O TLA RETOLOLA DIPELO TSA BANA GO BOELA KO GO TSA BORRAABONE. O tla busetsa bakgetlhwa ba malatsi a bofelo mme ba tla utlwa moperofeti yo o tlhomamisitsweng a bua boammaaruri jo bo tlhomameng jaaka go ne go ntse ka Paulo. O tla busetsa boammaaruri mo go bone jaaka ba ne ba na le bone. Mme ba ba kgetlhweng ba tla nna le ene ka

letsatsi leo e tla nna bone ba ba tla supang Morena ka boammaaruri le go nna Mmele wa Gagwe le go nna lentswe la Gagwe le go dira ditiro tsa Gagwe. Hallelujah! A le lemoga seo?

Go sekaseka ditso tsa kereke ka bokhutshwane go tla supa kafa kakanyo e e leng boammaaruri ka teng. Mo Dipakeng tsa Lefifi Lefoko le ne le sa tlhole le itsiwe ke batho gotlhelele. Mme Modimo o ne a romela Luther ka LEFOKO. Ba-Lutheran ba ne ba bua mo boemong ja Modimo ka nako eo. Mme ba ne ba rulaganya, mme gape Lefoko le le itshekileng le ne la latlhega ka gonne mokgatlho wa kereke o ne o sekametse mo go dumeleng dithuto tsa motheo le ditumelo, e seng Lefoko le le motlhofo. Ba ne ba sa tlhole ba kgona go bua mo boemong ja Modimo. Go tswa foo Modimo o ne a romela Wesley, mme e ne e le lentswe le le nang le Lefoko mo pakeng ya gagwe. Batho ba ba neng ba amogela tshenolo ya gagwe go tswa ko Modimong e ne ya nna makwalo a a tshelang a a neng a balwa le go itsiwe ke batho botlhe mo pakeng ya bone. Fa Ba-Methodist ba ne ba palelwa, Modimo o ne wa tsosa ba bangwe mme go ne ga tswelala jalo go tsamaya ka dingwaga go fitlhelelamo pakeng e ya bofelo go nna le batho ba bangwe gape mo lefatsheng, bao ba tla bong ba le ka fa tlase ga morongwa wa bone go nna lentswe la bofelo la paka ya bofelo.

Ee rra. Kereke ga e tlhole e le "molomo" wa Modimo. Ke molomo wa yone ka sebele. Ka jalo Modimo o a e thhanogela. O tla e didimatsa ka moperofeti le monyadiwa, ka gore lentswe la Modimo le tla bo le le mo go ene (monyadiwa).

Ee go ntse jalo, ka go re e supa mo kgaolong ya bofelo ya Tshenolo temana 17

"Mowa le monyadiwa ba re tla".

Lefatshe le tla utlwa gape ka tthamalalo go tswa mo Modimong jaaka kwa Pentekosete; mme eleruri Monyadiwa yoo wa Lefoko o tla kgalwa jaaka mo pakeng ya ntlha.

Jaanong o ne a goeletsa mo pakeng e ya bofelo a re, "Le na le Lefoko. Le na le Dibaebele di le dintsi le feta, mme ga le dire sepe ka Lefoko fa e se go le kgaoganyana le go le thubaganya, le tsaya se le se batlang mme le tlogela se le sa se batlang. Ga o kgatlhalele go le TSHELA, mme le kgatlhwa ke go tlhola le le go ganetsana ka lone. E kete o ka bo o le tsididi kana o le bolelo! Fa e le gore o ne o le tsididi mme o sa go gana, nka kgona go itshokela seo. Fa e le gore o ne o ka thagafalela go itse boammaaruri le go tshela, Ke ne ke tla go akgola ka seo. Mme fa le amogela Lefoko Lame mme le sa le tlotle, Nna ke tla gana go le tlotla. Ke tla go kgwela kwa ntle ka gonne o mpherosa sebete."

Jaanong mongwe le mongwe o a itse gore metsi a a bothitho a dira gore o feroqe sebete. Fa e le gore o batla go kgwa, metsia abolelo ke one a siametseng go nowa. Kereke e e bothitho e ferositse dirile gore Modimo sebete mme O boletse gore o tla e kgwela kwa ntle. Go re gakolola kafa A neng A ikutlwa ka teng pele ga morwalela, a ga go a nna jalo?

E kete kereke e ka bo e le tsididi kana e le mogote. Se se molemo le go feta ke gore e tshwanetse go nna tlhaga (mogote). Mme ga e a nna tlhaga. Katlholo ya yone e setse e builwe. Ga e sa tlhole e le lentswe la Modimo mo lefatsheng. O tla nna a bolela gore ke Lentswe la Modimo mo lefatsheng, mme Modimo ga a rialo.

Modimo o sa ntse a na le lentswe go ya kwa bathong ba lefatshe, fela jaaka A file monyadiwa lentswe. Lentswe leo ke lmo monyadiweng jaaka re setse re buile mme re tla bua ka lone moragonyana.

(2) Tshenolo 3:17-18,

"Ka gore o bua o re, Ke humile, ke bapetse dikhumo, ga ke tlhoke sepe; mme o sa itse fa o le sotlegile, e bile o le bohutsana, le lehuma, le bofofu, gape o sa ikatega;

Ke go gakolola gore o reke gouta mo go nna, e e itshekisitsweng ka molelo, gore o tle o hume; le diaparo tse ditshweu gore o tle o apare, mme ditlhong tsa bosaikatega jwa gago di se ka tsa senoga; le setlhare sa matlho go itlota matlho gore o tle o bone."

Jaanong lebelela mafoko a ntlha a temana e, "ka gonne wa re". Bonang, ba ne ba bua. Ba ne ba bua e le melomo ya Modimo. Se se supa se tota ke neng ke se kaya fa ke ne ke bua ka ditemana 16-17. Mme le fa ba bua jalo, seo ga se dire gore go nne jalo. Kereke ya Katoliki e bolela gore ke molomo wa Modimo, e buagore ke lentswe le le tlhomamisitsweng la Morena. Ke itse go le gontsi gore batho ba ka nna boikepo mo semoyeng jang, mme ba maungo a matshelo a bone a tsamaelelana le peo e e mo go bone, mme re itse gore peo eo e tswa kae, a ga go a nna jalo?

Ke reke ya Laodikia e a bua ya re: "Ke humile, ke humile thata, ga ke tlhoke sepe". Ke gone go itseela kwa godimo ga gagwe. O ne a itebelella mme ke sone se a neng a ipona a le sone. O ne a re, "Ke humile", mo go rayang gore o humile ka dilo tsa lefatshe le.

O ikgantshatsetsa fa pele ga sefatlhagosa ga Jakobe James 2:5-7,

"Reetsang, bakaulengwe ba me ba ba rategang, A Modimo ga o a ikgetlhela bahumanegi ba lefatshe go nna bahumi mo tumelong le barua-boswa ba bogosi bo a bo solofeditseng ba a ba mo ratang?"

Mme le ne la nyatsa bahumanegi. A bahumi ga ba le gatelela, gape ba bo ba le gogela ko pele ga dikgotlatshekelo?

A ga se bone ba ba thapatsang Leina le le nang le le tshwanela le le biditsweng ka lone?"

Jaanong ga ke reye gore motho yo o humileng ga a kake a nna wa Semowa, mme rotlhe re itse gore Lefoko le bua gore ke ba sekae bahume ba ba semowa. Bahumanegi ke bone ba ba leng bantsi mo mmeleng wa kereke ya boammaaruri. Jaanong, fa kereke e ka nna le dikhumo tse dintsi, re itse selo se le sengwefela; go kwadilwe mo dikgorong tsa yone go twe: "Ichabod" (ke gore kgalalelo ya Modimo e dule). O ka se ka wa ganetsa seo, ka gore seo ke Lefoko.

Ga o bua ka dikhumo mo kerekeng—ke ka ntlha ya eng fa go ise go ko go nne le go supa khumo mo go ntseng jalo mo kerekeng. Mafelo a mantle a a boitshepo a oketsegile go feta ka nako ya pele. Ditlhopho tse di farologaneng di gaisana go bona gore ke mang yo o ka agang e kgolo le e ntle go di gaisa tsotlhe. Gape ba aga mafelo dikago tsa burutelo tedi turang di ja dimilionemilione, mme dikago tseo di dirisiwa oura e le nngwe kana di le pedi fela ka beke. Jaanong seo e ne e ka bo e se selo se se maswe thata, mme gone ba solofela gore nako e e khutshwane e ebana ba e tsayang ko mafelong a thuto e tla tsaya sebaka sa dioura tsa thuto tse go neng go akanngwa gore ba rutiwe kwa gae.

Madi a ile a tshelwa mo kerekeng go fitlhela makoko a dikereke tse di farologaneng di nna le di-stock le di-bond, madirelo, didiba tsa leokwane le dikhampani tsa inshoreense. Ba tshetse madi a bone mo matloleng le mo matloleng a dipenshene. Jaanong mo go utlwala go le molemo, mme se fetogile serai mo baruting, ka gonne fa ba tsaya ditshwetso tsa go tlogela setlhopho sa bone gore ba kgone go bona lesedi le le oketsegileng kana lerato la Modimo, ba latlhegelwa ke madi a bone a phenshene. Bontsi ja bone ga ba kgone go emelana le se mme ba nna le ditlhopho tsa bone tse di ba gateletseng.

Jaanong le se ka la lebala gore nako e ke ya paka ya bofelo. Re a itse gore paka e ke ya bofelo ka go re Iseraele e boetse kwa Palesetina. Fa e le gore tota re dumela gore o tla tla, jaanong go tshwanetse ga bo go na le sengwe se se phoso le batho ba ba agang dikago tse di kgolo kalo. Go dira gore motho a akanye gore batho ba ba ikaetse go nna fa ka bosakhutleng, kana gore go tla ga ga Jesu go tla tsaya makgolokgolo a dingwaga.

A o ne o itse gore bodumedi gompiano bo itsege e le kgwebo e kgolo? Ke boammaaruri jo bo feletseng gore ba tlhoma batsamaisi ba kgwebo mo dikerekeng gore ba tlhokomele madi. A ke se Modimo a se batlang? A Lefoko la gagwe ga le a ka la re ruta mo bukeng ya Ditiro gore banna ba le supa ba ba tladitsweng ka Mowa o o Boitshepo le tumelo ba ne ba direla Morena mo dikgannyeng tsa kgwebo? Ga go pelaelo gore o kgona go bona gore ke ka ntlha ya eng fa Modimo a ne a re; Wa re o humile; ga ke ise ke bue jalo."

Go na le mananeo a seromamowa, mananeo a thelebishene, le maitenko a mantsi a kereke a a senyang dimilione le dimilione tsa digolara tsa madi. Khumo e nna e oketsega mo kerekeng, fa maloko a oketsega madi a a oketsega le one, lefa go ntse jalo tiro ga go dirwe ditiro tsa kereke jaaka e ne e dirwa fa go ne go sena madi, mme batho ba ne ba ikaegile fela ka bokgoni jo ba bo neilweng ke Mowa o o Boitshepo.

Go na le bareri ba ba duelwang, bathusi ba ba duelwang, badiredi ba ba duelwang ba mmimo le ba ba rutang, dikhwaere tse di duelwang, balebedi ba ba duelwang, dithulaganyo le tsa boitlosobodutu—tsotlhe di ja madi a mantsi, mme lefa go ntse jalo, maatla a ntse a a fokotsega. Ee, kereke e humile, mme ga e na maatla. Modimo o dira ka moya wa Gagwe, e seng ka madi kana ka bokgoni ja kereke.

Jaanong ke batla go le bontsha kafa keletso e ya madi e leng bosula ka teng. Dikereke di bereka ka bojotlhe gore di batle maloko, segolobogolo a a humileng. Gongwe le gongwe go na le mokgosi wa go dira gore bodumedi bo kgatlhe le go gogela mo e leng gore bahumi le batho ba ba rutegileng le botlhe ba ba nang le maemo mo lefatsheng ba tle mo go jone mme ba nne le seabe mo kerekeng. A ga ba kgone go tlhologanya gore fa e le gore khumo ke yone e e kayang semoya mo mothong, go tla bo go raya gore, lefatshe le setse le na le Modimo, le na le Modimo otlhe, mme kereke yone ga e na sepe?

"O re kdithoto tsame di oketsegile."

Se se kaya gore 'Ke na le dikhumo tsa Semowa.' Se se utlwala jaaka mileniamo o o nang le mebila ya gouta le boleng teng ja Modimo. Mme ke ipotsa gore a go ntse jalo. A tota ka boammaaruri kereke e humile ka dilo tsa Semowa tsa Modimo? A re tlhatlhobeng paka e ya Makgolo a mabedi a dingwaga ya Laodikia e e kgantshang e dirisa Lefoko.

Fa e le gore kereke e ne e humile tota mo Semoweng, tlhotlheletso ya yone e ne e tla bonala mo

matshelong a setšhaba. Mme tota batho ba ba go tweng ba semowa e bile ba na le tlhotlhetso mo setšhabeng ba tshela matshelo a a ntseng jang? Kwa mafelong a a kwa ntle ga motse, kwa dikgaolong tse di nang le batho ba maemo a a kwa godimo, go na le go ramoganwa basadi, go gweba ka mmele, le bananyana ba itlaletsa go tla mo meletong, ba dira gore go nne le tshenyo e kgolo ya dithoto. Boitsholo jo bo sa siamang bo setse bo aname thata mo ditirong tsa tlhakanelodikobo, go tshwakgolwa ke diritibatsi, go betšha, go utswa le mefuta yotlhe ya bosula. Mme kereke e tswela pele ka go bolela kafa kokomana e e leng molemo ka teng, kafa dikereke di tletseng ka teng le kafa tota le batho ba ba kwa mo mafelong a borongwa ba yang go rera eEfangeli teng ba tsibogela Efangeli e e rerwang ka teng. Kereke e retoletse batho go ikanya dingaka, segolobogolo dingaka tsa malwetse a tlhologanyo. Ka fa e ka matafalang e bua ka fa e humileng mo Semoeng go fitile le go feta ka fa ke itseng ka teng. Ga se boammaaruri. Ba phutlhame mme ga ba itse.

Lebelela tikologo ya gago. Sekaseka batho fjaaka ba ntse ba feta. Mo boidiiding bo o bo bonang, a le o kgona go lemoga ba ba lebegang e le Bakeresete? Ela tlhoko kafa ba aparang ka teng, ela tlhoko kafa ba itshwarang ka teng, utlwa le se ba se buang, o bone gore ba ya kae. Eleruri go tshwanetse ga bo go na le bosupi bongwe ja mmatota ja go tsalwa sesha mo bathong botlhe ba re ba bonang ba feta. Mme ke ba le mmalwa fela. Lefa go ntse jalo gompiano dikereke tsa kwa tshimologong di re bolelela gore di bolokile dimilione tsa batho e bile di ba tladitse ka Mowa. Go tlatswa ka Mowa? A o ka bitsa basadi ba ba tsamayang mo ka meriri e e kgaotsweng, ba apere diaparo tse di khutshwane le dileke, ba supa diaparo tsa ka ko teng, ba imotile jaaka Jesebele? Fa e le gore di apesitswe ka diaparo tse di boingotlo jaaka go tshwanela basadi ba Bakeresete, ga ke rate go akanya gore go ka nna jang fa ke ne ke ka supa mongwe yo o supagalang a sena boingotlo.

Jaanong ke a itse gore basadi ga ba simolole disetaele. Ke Hollywood e e dirang jalo. Mme reetsang basadi, ba santse ba rekisa matsela le dimetšhine tse di rokang. Ga go tlhokafale gore o reke dilwana mo mabenkeleng mme wa bo o ipata ka gone. Kgang e ke tla bong ke tsena mo go yone e masisi. A ga le a bula mo Dikwalong gore monna a lebelela mosadi ka pelo ya go mo eletsa, o setse a dirile boaka le ene mo pelong ya gagwe? Mme gongwe o ne o apere ka tsela e e tla dirang gore banna ba go eletse? Seo se dira gore o leofe le ene, le fa gone o ka tswa o sa lemoge seo gotlhelele, o le lekgarejwana la mmatota le le se nang dikeletso tse di ntseng jalo. Le fa go ntse jalo, Modimo o go neela boikarabelo ke ene a tla lo atlholang.

Jaanong ke a itse gore lona basadi ga le rate theoreo ya mofuta o, mme kgaitsadi, le dira phoso e kgolo mo go se le se dirang. Baebele ga e go letelele ipeola moriri. Modimo o file moriri gore e nne go apesa. O ne a laela gore o nne le moriri o moleele. Ke kgalalelo ya gago. Fa o ne kgaola moriri wa gago o supa gore tlogetse taolo ya monna wa gago. Jaaka Efa o ne wa tsamaela kwa ntle o le nosi. O na le tshwanelo ya go tlhopho. O ne wa tsaya ditiro tsa banna. Le ne la tlogela go nna basadi. O tshwanetse go ikwatlhaya mme o boele kwa Modimong. Mme jaaka e kete tse tsothe di ne di se maswe di sa lekana, bontsi ja lona le ne la tsaya mogopolo wa ya gore le ka tlhasele dipulupiti le diofisi tsa kereke tse Modimo a di direletseng banna fela. Oh, ke ronkgetse ntho, a ga go jalo? Mpontshe temana e le nngwe fela mo Baebeleng e mo go yone Modimo a kileng a laela mosadi ope fela gore a rere kgotsa a laole monna, mme ke tla ikopa maitshwarelo ka ga se ke se buileng. Ga o ka ke wa fitlhela ke le phoso. Ke bua boammaaruri, ke gore ke ema le Lefoko le mo Lefokong. Fa o ne o humile mo Semoweng o ne o tla itse gore seo se boammaaruri. Ga go na sepe se se boammaaruri fa e se Lefoko. Paulo o ne a re: "Ga ke letlelele mosadi go ruta, le fa e le go laola monna." Ga go kgonege gore o tseye maemo mo bodireding jo bo dikarolo tse tlhano bo bo umakilweng mo go Baefeso 4 mme o sa laole banna. Kgaitsadi, o go botoka gore o reetse Lefoko leo. E ne e se Moya wa Modimo o o neng o supagala mo botshelong jo bo tladitsweng ka Mowa o o neng wa go bolelela gore o rere ka gonne Moya le Lefoko ba selo sele SENGWEFELA. Ba bua se selo se se tshwanang. Mongwe o dirile phoso. Mongwe o ne a tsiediwa. Tsogang go ise gonne tlhari thata. Satane o ne a tsietsa mmaago e bong Efa; jaanong o tsietsa bomorwadie. A Modimo a le thuse.

"Ga ke tlhoke sepe."

Jaanong fa mongwe a re, "Ga ke tlhoke sepe", a ka nna a bo a re, "Ke na le sengwe le sengwe", kana a ka nna a re, "Ga ke tlhole ke batla sepe ka gonne jaanong ke tletse". O ka tlhalosa se ka tsela epe fela e o e batlang, mme tse tsotlhe di dira gore kereke e ikutlwe e kgotsofetse. O kgotsofalela se a nang le sone. O akanya gore o na le sengwe le sengwe kana o na le mo go lekaneng. Mme ke sone se re se bonang gompiano. Ke lekoko lefe le le sa reng le na le tshenolo le maatla le boammaaruri? Reetsa Ba-Baptist, mme ba re le bone ba na le sengwe le sengwe. Reetsa Ba-Methodist, mme le bone ba re ba na le sengwe le sengwe. Reetsa Kereke ya ga Keresete mme mongwe le mongwe o phoso kwantle ga bone. Reetsa se Ba-Pentekosete ba se buang mme le bone ba re ba na le botlalo jwa botlalo. Jaanong ba a itse gore ke bua boammaaruri ka ga bone, ka gore ga go na buka epe ya bone ya kaelo e e buang se se farologaneng le seo. Ba ne ba kwala sengwe le sengwe sentle mme ba tsenya maina a bone mo go yone ba bo ba feditse. Modimo ga a tlhole a na le tsone. Mme go na le ba ba sa tlholeng ba batla sepe gape. Ga ba dumele mo go phodisong ebile ga ba batle go fodisiwa, le fa e tswa go le mo Lefokong. Go na le

batho ba ba ka sekeng ba amogele Mowa o o Boitshepo le fa Modimo a ne a ka bula magodimo mme a ba bontsha sesupo.

Jaanong botlhe ba a bua, mme ba leka go supa gore ba na le sengwe le sengwe, kana ba na le mo go lekaneng. Le fa go ntse jalo a seo ke boammaaruri? Bapisa kereke e ya lekgolo la bomasome mabedi a dingwaga le kereke ya lekgolo la ntlha la dingwaga. Tswelela. Dirang jalo. Maata a kae? Lerato le kae? Kereke e e itshekisitsweng e e neng ya emelana le bolelo mme ya tsamaya ka tumelo e ya kwa go Jesu e kae? Kopano e kae? Ga o kake wa e fitlhela. Fa e le gore kereke e e na le sengwe le sengwe se e se tlhokang, ke eng ba ne lela ba batla Modimo that mo go Bukeng ya Ditiro jaaka e kete ga ba na sengwe le sengwe, mme ba na le mo gontsi go feta gompiono?

Tlathobo Ya Modimo

Jaanong se Modimo a neng a se bona se ne se farologane gotlhelele le se ba neng ba re ba se bone. Ba ne ba bolela gore ba humile ka dithoto tse di ntsi mme ba humile mo Semoweng. Ba setse ba gorogile ba kgonne. Ga ba tlhoke sepe. Mme Modimo one a sa bone seo. O ne a re: "Ga o itse se, mme o a hutsafatsa, o a tlhomola pelo, o bohutsana, o humanegile, sefofu e bile ga o a ikatega." Jaanong fa batho ba ntse jalo, bogolo jang ba sa ikatega mme BA SA ITSE, go tshwanetse ga bo go na le sengwe se se phoso fela thata. Go tshwanetse ga bo go direga sengwe. A ga se gore Modimo o fofaditse matlho a bone jaaka a ne a fofaditse Bajuda? A Efangele e boela kwa Bajudeng? A dito di boela gape? Ka re o ntse jalo.

Modimo o bolela gore kereke e ya Paka ya Laodikia e "bosula". Lefoko leo le tswa mo mafokong a mabedi a Segerika a a karaya "go itshoka" le "teko". Mme ga e amane ka gope le diteko tse di tlelang Mokeresete wa boammaaruri ka gonne Modimo o tlhalosa Mokeresete yo o lekwang jaaka yo o "segofaditsweng" mme maikutlo a gagwe e le a itumedisang fa tlhaloso e yone e tlhalosiwa e le yo o "yo o hutsafatseng, gape a utwisa bothoko". Go gakgamatsa jang. Mo pakeng ya dilo tse dintsi, mo pakeng e ya tswelelo, mo pakeng e ya letlotlo, go ka nna le diteko jang? Jaanong, go a gakgamatsa; mme mo pakeng ya dilo tse dintsi le ditshono, fa mongwe le mongwe a nang le dilo di le dintsi thata mme go na le tse dintsi go feta tseo, go na le dilo tse dintsi tse di tlhamilweng go dira tiro ya rona le dilo tse dintsi go re itumedisa, KA TSHOGANETSO, re fitlhela batho ba bantsi ba lwala malwetse a ditlhaloganyo mo e leng gore go a tshosa. Fa mongwe le mongwe a tshwanetse go itumetse, mme tota go se na sepe se se ka mo utlwisang botlhoko, dimilione tsa batho di melemo e e robatsang fa ba robala bosigo, ba nwa dipilisi tse di ba kgothatsang mo mosong, ba tabogela kwa dingakeng, di tsena ya ko mafelong a kalafi, mme ba leka go fedisa poifo e ba sa e itseng ka go nwa bojalwa.

Ee, paka e ikgantsha ka dithoto tsa yone tse dintsi tsa mabenkele, mme batho ga sa tlhole ba itumetse jaaka pele. Paka e e ikgantsha ka dilo tse e di fitlheletseng semoyeng, mme batho ga ba sa tlhole ba na le tshepho jaaka pele. Paka e e ikgantsha ka mekgwa e mentle ya boitsholo e bile o senyegile go feta motlha ope fela fa e sa le ka nako ya morwalela. E bua ka kitso ya yone le saense, mme e lwa nwa e e palelwang mo sengweng le sengwe, gonne mogopolo wa motho le moya wa gagwe ga di kgone go tlhaloganyo kana go tsamaisana le diphetogo tsotlhe tse di diragalang mo lefatsheng. Mo kokomaneng e le nngwe fela re ile ra tswa mo nakong ya dipitse le dikoltsekara ra ya mo nakong ya maranyane a lefaufau, mme re ipelafetsa le go ikgantsha ka gone; mme mo boteng go na le phatlha e e lefifi e e nang sepe lle le lelang ka lebaka la pogo, mme KA GO SE NA LEBAKA LE LE ITSEGENG dipelo tsa batho di a koafala ka ntlha ya poifo mme lefatshe le lefifi mo e leng gore paka e e lebananwe je go butswa paka ya bolwetse ba tlhaloganyo. E a ikgantsha, mme ga e kgone go tshwarelela. E lelela kagiso, mme ga gona kagiso. E goa e re e na le dinonofo tse dintsi, mme e nna e tuka ka keletso jaaka molelo o o sa timeng! "Modimo wame o raya baikepi a re: "Ga gona kagiso".

"*Ba bo hutsana.*" Moo se raya gore ba tshwanetse go utlwelwa botlhoko. Kutlwelo botlhoko? Ba nyatsa kutlwelobothoko. Ba tletse boikgantsho. Ba ikgantsha ka se ba nang le sone. Mme se ba nang le sone ga se kitla se emelana le teko fa nako e ntse e tsamaya. Ba agile fa go totomelang go nale lefika la tshenolelo ya Lefoko la Modimo. Ka bonako go tla tla thoro mo ya lefatshe. Go ise go ye kae go tla tla diphefo tsae di bogale ja Modimo tsa katlholo. Go tswa foo go tla tshenyego ya tshoganyetso, mme le mororo ba ipaakanyeditse ka fa senameng, ba tla bo bantse ba sa ipaakanyetsa se se tla diregang mo lefatsheng Ke batho ba le fa ba dira maiteko a lefatshe ba ganetsanang le bone mme ba sa itse. Eleruri ba utlwisana botlhoko. Utlwela botlhoko batho ba ba leng mo makokong a dikereke mo malatsing a gompiono, ka go re ba bitsa makoko a tiro a Modimo, fa tota e le wa ga Satane. O utlwele ba ba sa itseng phutso ya thulaganyo. Utlwela bothoko ba ba nang le dikereke tse dintsi tse dintle, matlo a baruti a mantle, dikhwaere tse di thapisitsweng sentle, go supa dikhumo le kobamelo e e ritibetseng le e e tlotlegang. Ba tlhomogele pelo, o se ka wa ba fufegela. A re boeleng ko dikagong tsa bogologolo tsa mabenkele, a re boeleng ko go dikamoreng tse di tukang mabone a a lesedi le le bokoa, A re boeleng ko go senang go tshela selefatshe ko gonang le Modimo ko boleng teng ba Gagwe boleng bontsi. Utlwela botlhoko batho ba ba ipolelang gore ba na le dilo tse di kgolo gape ba bua ka dimpho tsa bone. Ba utlweleng botlhoko, ka gonne go ise go ye kae ba tla bo ba le didirisiwa tsa kgalefo.

"Ba humanegile." Gone mme seo se raya gore ba humanegile mo Semoweng. Sesupo sa paka e fa e atamela ko bokhutlong ja yone, ke dikereke tse tona tse di botoka, tse di nang le batho ba bantsi le go feta, tse di nang le dilo tse dintsi le go feta tse di supang se go akanngwang gore ke ditshupo tsa Mowa o o Boitshepo. Mme dialetare tse di tletseng, dineo tsa Mowa di a bereka, go nna teng ga batho ba bantsi ga sesupo sa karabo ya Modimo, ka gore ba ba tlang ko dialetareng ga ba ke ba tshwarelela mo Modimong, mme morago ga dikampheine tse fa di fela, ba kae botlhe ba ba neng ba tla o nna gone mo gogolo ga batho ga se karabo e e tswang kwa Modimong, ka gonne batho ba ba tlang kwa dialetareng, ba ba neng ba tla kwa dialetlareng ba kae? Ba ne ba utlwa motho, ba ne ba reetsa mokgosi, ba tsena mo letloeng, mme e ne e se ditlhapi, mme jaaka dikhudu ba ne ba boela kwa metsing a bone.

Mme gape go na le puo e ka ga diteme—e akanyetswa gore ke bosupi ja kolobetso ya Mowa o o Boitshepo, mme batho ba akanya gore re mo tsoseletso e e kgolo. Tsoseletso e fedile. Amerika e ne ya nna le tshono ya yone ya bofelo ka 1957. Jaanong diteme ke sesupo sa Modimo sa matlhotlhapelo a a tlang, fela jaaka di ne di ntse fa di ne di bonala mo leboteng kwa moletlong wa ga Beleshasare. A ga le itse gore bantsi bo tla tla mo letsatsing la bofelo ba re, *"Morena, Morena, a ga re a dira ditiro tse dintsi tse di gakgamatsang ka Leina la Gago, le go kgaphela ntle matimone ka Leina la Gago, le go dira dikgakgamatso tse dintsi ka Leina la Gago?"*

Mme o tla araba are,

"Tlogang fa go nna, lona baikepi. Ga ke ise ke le itse."

Mathaio 7:22-23.

Jesu o ne a re ke ba dira ditiro tse di boikepi. Lefa go ntse jalo, o ka nna le monna yo o ka tlang go rapelela balwetse, a dira gore lookwane le madi di bonale mo phuthegong, a dira gore go nne le seporofeto le mefuta yotlhe ya dilo tsotlhe tse di fetileng tlholego, mme batho ba tla mo kgobokanela, ba ikana gore ba re ke wa Morena, le mororo tota a dira madi ka bodumedi mme a bo a tshela mo boleong. Karabo e le nngwe fela e ba nang le yone ke karabo e e seng ya Baebele gotlhelele ya gore, *"O bona maduo, ka jalo o tshwanetse a bo a tswa kwa Modimong."* A bo go le maswe jang ne. Tota paka e e humanegile jang mo Moweng wa Modimo, mme batho ba ba humanegileng ba ba bogisiwang ke lehuma ga ba itse.

"O fougsetse e bile o ga o a ikatega." Jaanong se se a patika. Go ka tla jang gore motho a bo a fougsetse e bile a sa ikatega mme a sa itse? Le fa go ntse jalo, e bolela gore ba fougsetse e bile ga ba ikatega mme ga ba kgone go e bona. Karabo ke gore, ba fougsetse semoweng, e bile ga ba a ikatega ka semowa. A le gakologelwa fa Elisha le Gehasi ba ne ba dikaganyeditswe ke masole a Siria? Le gakologelwa gore Elisha o ne a ba fougsetsa ka maatla a Modimo. Le fa go ntse jalo, matlho a bone a ne a bulegile mme ba kgona go bona kwa ba ya teng. Bofofu e ne e le jo bo sa tlwaelesegang ka gonne ba ne ba kgona go bona dilo dingwe, mme ba ne ba sa kgone go bona dilo tse dingwe jaaka Elisha le motlhanka wa gagwe mme ba ne ba sa kgone go nona kampa ya Iseraele. Se batlhabani ba ba neng ba se bone ga se a ka sa ba thusa. Se ba neng ba sa se bone se ne tsenya mo botshwarong. Jaanong se se rayang mo go rona? Ho raya sone se le neng le se raya ka nako ya bodiredi ja ga Jesu ja mo lefatsheng. O ne a leka go ba ruta boammaaruri, mme ba ne ba sa reetse.

Johane 9:40-41.

"Mme Bafarisai bangwe ba ba neng ba na le Ene ba ne ba utlwa mafoko ao, mma ba mmotsa ba re, "A le rona re difofu?"

Jesu o ne a ba raya a re, Fa le ka bo le fougsetse, le ka bo le se na sebe: mme jaanong le a re, Re a bona; ka jalo dibe tsa lona di a le salela."

Mokgwa wa paka e o ntse fela jaaka o ne o ntse ka nako eo. *Batho ba na le sengwe le sengwe. Ba itse sengwe le sengwe. Ga ba ka ke ba rutiwa. Fa go buiwa ka ntlha nngwe ya boammaaruri go tswa mo Lefokong mme motho a leka go tlhalosetsa mongwe yo a nang le ene ka tsena ya go ganetsa Lefoko, motho yo o reeditseng ga a reetse gore a tle a ithute, mme o reetsa fela gore a ganetse se se buiwang. Jaanong ke batla go botsa potso. A lefoko le ka ganetsa Lefoko? A Baebele e a ikganetsa? A go ka nna le dithuto tse pedi tsa boammaaruri mo Lefokong tse di buang dilo tse di farologaneng kana tse di ganetsanyang? NYAA. GA GO KAKE GA NNA JALO. Lefa go ntse jalo ke ba le kae batho ba Modimo ba ba nang le matlho a a bulegetseng boammaaruring joo? Go ya kafa ke itseng ka teng, ke ithutile gore Dikwalo TSOTLHE di fiwa ke Modimo gape TSOTLHE di solegela molemomo go rutiwang, mo go kgalemeleng, mo go siamiseng, jalo le jalo. Fa Dikwalo tsotlhe di ne di ka newa ka tsela e, ka jalo temana nngwe le nngwe e tla dumalana fa e ne e ka newa tshono. Mme ke ba le kafe ba ba dumelang gore go laolelwapele go tla felela ka go kgethiwa le go nyatswa gore go tla felela ka go senngwa? A ba ba sa utlweng ba tla reetsa? Nyaa, ga ba kake. Le fa go ntse jalo, bobedi ba bone ba mo Leokong, mme ga go na sepe se se tla go fetolang.*

Mme ga ba kitla ba ipha nako ya go ithuta ka yone le go letlanya boammaaruri ja dithuto tseo le boammaaruri jo bongwe jo bo lebegang bo ganetsana. Mme ba thiba ditsebe tsa bone, ba patisa meno, ba bo ba latlhegelwa. Go tla tla moporofeti kwa bokhutlong j paka e, mme ga ba kitla ba utlwa sepe se a se dirang le se a se buang. Ba tlhomamisa gore ba nepile, mme ka ntlha ya go fofala ga bone ba tla latlhegelwa ke sengwe le sengwe.

Jaanong Modimo a re ga ba ikatega e gape ba fofetse. Ga ke kgone go akanya ka selo sepe se se bothoko jaaka motho yo o fofetseng gape a sa ikatega mme a sa itse. Go na le karabo e le nngwe fela —o a tsenwa. O setse a le mo lefifing. Bokgoni ja gagwe ja go akanya bo nyeletse, o latlhegelwa ke tlhologanyo. Go ka raya eng gape? A se se ka raya gore Mowa o o Boitshepo o tsere malatsi a boitlapoloso mo kerekeng ya malatsi a bofelo? A se se raya gore batho ga ntshitse Modimo mo ditlhologanyong tsa bona mo e leng gore go ntse go diragala jaaka go builwe mo go Baroma 1:28.

"Mme fa ba ne ba sa rate Go tshegetsatsa kitso ya Modimo, Modimo o ne a ba letlelela go nna le ditlhologano tsa boganana, go dilo tseo tse di sa tshwanelang."

Go supagala sengwe se se ntseng jalo se ne sa diragala. Batho bangwe ba re ba tswa mo Modimong mme ba itse Modimo e bile ba na le Mowa wa Gagwe o o Boitshepo, le fa go ntse jalo ba sa ikatlega e bile ba fofetse mme ga ba itse. Ba setse BA TSIEDITSWE. KE BA MOWA O O SENG WA NNETE. BAKGETLTHWA GA BA KAKE BA TSIEDIWA, MME GO A SUPAGALA GORE BA BANGWE BA TLA TSIEDIWA. Ba ke bone ba ba fofaditsweng ka gonne ba ganne Lefoko la Modimo. Ba ke bone ba ba ikapotseng ka go tlogela tlhokomelo le tshireletso ya Modimo mme ba batla go ikagela tsela ya bone ya poloko, tora ya bone ya Babele ka go tsamaiso ya lekoko.

A bo ba lebega ba aperebontle jang go ya ka pono ya bone jaaka fa ba tlhoma makoko a bone, le bokopano ja bone ja lekgotla, jalo le jalo. Mme jaanong Modimo o ba apola dilo tse tsotlhe mme ga ba a ikatlega, ka gonne mekgatlho e e ba tlisitse fela mo kampeng ya boganetsakeresete, mo tshimong ya mefero, go fithelela ba golegwa le go fisiwa. Eleruri ba utlwisa bothoko. Ee, ba utlwele bothoko, o ba tlhagise, o ba rapelele, mme lefa go ntse jalo ba tswela pele ba ya kwa tshenyegong, ba gana maiteko ape fela a go ba boloka jaaka ditshupo mo molelong. Ba bohutsana e le ruri, mme ga ba itse. Ba tsidifetse gape ga ba na tsholofelo, ba ikgantsha ka dilo tse tota di tlabisang ditlhong. Ba ganetsa Lefoko, mme le fa go ntse jalo letsatsi lengwe ba tla atlhola ke lone mme ba duele ditatofatso tsa lone tse di maswe.

Kgakololo ya Bofelo ya Dipaka

Tshenolo 3:18-19.

"Ke a go gakolola ka re, o reke mo go nna gouta e e ntlafaditsweng ke molelo, gore o tle o hume; le diaparo tse ditshweu gore o tle o ikapese, le gore ditlhong tsa bosaikategang jwa gago di se senolwe; o reke le molemo wa matlho go itogetsatsa ka one, gore o tle o bone.

Botlhe ba ke ba ratang, ke a ba kgalemele, ke ba otlhaye; ka re, o tlhoafale, o bo o ikwatlhaye.."

Kgakololo ya Modimo ga e a tlhamaletse. E tlhamaletse. O kaela kereke e ya malatsi a bofelo ko tsholofelong e le nngwefela. Tsholofelo eo KE ENE KANOENE. O bua a re, "Tlang mo go nna mme le reke." Go bonala sentle mo polelwane e ya gore "reka Nna" gore phuthego ya Laodikia ga e dirisane le Jesu ka sepe ka dilo tsa semowa tsa Bogosi ja Modimo. Ditirisano tsa bone di ka se ka tsa nna tsa Semowa. Ba ka nna ba akanya gore ke ba Semoya, mme ba ka nna jalo jang? Ditiro tse di mo magareng a bone ruri ga di tshwane le se Paulo a neng a ka se bua, a re, 'Modimo o mo go lona go rata le go dira go ya ka go rata ga Gagwe. .' Bafilipo 2:13. Ka jalo go tweng ka dikereke tse tsotlhe, dikolo, dikokelo, ditiro tsa borongwa, jalo le jalo?? Modimo ga o mo go bone fa fela e le gore ke peo le mowa wa bodumedi, mme e seng Peo le Mowa wa Modimo.

"Reka gouta mo go Nna, e e lekilweng ka molelo, gore o tle o hume."

Jaanong batho bano ba ne ba na le gouta e ntsi, mme e ne e se ya mofuta o o tshwanetseng. Ke gouta e e neng ya reka matshelo a batho mme ya ba senya. E ne e le gouta e e neng e sokamisa botho ja motho, ka gonne lerato la yone e ne e le lone modi wa bosula jotlhe.

Tshenolo 18:1-14,

"E rile morago ga dilo tse ka bona moengele yo mongwe a fologa mo legodimong, a na le taolo e kgolo; mme lefatshe la bonesega ka kgalalelo ya Gagwe.

Mme a tlhaeletsatsa ka lentswe le le nonofileng a re: "Babilone o mogolo o ole, o ole, o fetogile boago jwa mewa e e maswe le boitswalelo jwa mowa mongwe le mongwe o o maswe, le boitswalelo jwa nonyane nngwe le nngwe e e maswe le e e ilwang.

Gonne merafe yotlhe e ole ka bojalwa ja bogale jwa kgokafalo ya gagwe; dikgosi tsa lefatshe tsa gokafala nae, le babapatsi mo lefatsheng ba huma ka thata ya go hoahoega ga gagwe.

Mme Ka utlwa lentswe le lengwe le le tswang legodimong le re, Tswang mo go ene lona batho bame, gore lo se tlhakanele nae dibe tsa gagwe, le gore lo se bone dipetso tsa gagwe.

Gonne dibe tsa gagwe di ile go fitlha le kwa legodimong, Modimo o gakologetswe maikepo a gagwe.

Mo abeleng fela jaaka a ne a tle a abe, mme lo mo tthatlaganyetse tthatlaganyo ka fa ditirong tsa gagwe; mo senwelong se o se tlhakantseng, lo mo tthatlaganyetse mo go sone sebedi.

Lo mo lekanyetse tlhokofatso le selelo ka fa selekanyong sa go ikgalaletsa ga gagwe, le go hoahoega ga gagwe; gonne o ithaya mo pelong a re, Ke dutse ke le kgosi mohumagadi, ga ke motlholagadi, ga nketla ke bona selelo gope.

Ke gone ka moo dipetso tsa gagwe di tlaa tlang ka letsatsi le le lengwe fela, e bong loso, le selelo, le popamo; o tlaa fisediwa ruri ka molelo, gonne go thata Morena Modimo o o mo atlhotseng.

Le dikgosi tsa lefatshe tse di gokafetseng nae, tsa ba tsa tshela monate le ene, di tlaa lela, di mo lelelela godimo, mogang di bonang mosi wa go ša ga gagwe.

Di emetse kgakala, ka go boifa tlhokofatso ya gagwe, di re, "Ija! Ija! We! A motse wa mogolo Babilone motse o o mogolo, gonne mo oureng katlholo e tla tla.

Le baipapatsi ba dikgwebo ba ba mo lefatsheng ba lela ba mo hutsafalela, gonne go sa tlhole go le motho ope yo o rekang dithoto tsa bone:

Dithoto ya gouta, ya selefera, ya majana a a tlokegang, ya diperela, ya leloba le le boleta, le ya bohibidu jo bo mokgona, le ya sei, le ya bohibidu jo bo letlhololo; le ya dikgong tsotlhe tse di tlokegang thata, ya sejana sengwe le sengwe sa naka lwa tlou, le ya sejana sengwe le sengwe se se dirilweng ka logong lo lo thata go rekwa, le sa kgotlho, le sa tshipi le sa marebele,

Le thoto ya kinamone, le ya ditswaiso, le ya maswalo, le ya setlolo, le ya lebano, le ya bojalwa jwa mofine, le ya lookwane, le ya setou, le ya mabele, le ya dikgomo, le ya dinku; le thoto ya dipitse le, ya dikara, le ya batlhanka; le ya mewa ya batho.

"Maungo a mowa wa gago o a eleditseng a tlogile mo go wena, le dilo tsotlhe tse di metsegang, le tse di kgorwang di go senyegetse, mme batho ga ba ketla ba tlhola ba di fitlhela gope."

Tse ke tsone dikereke tse di rulagantsweng tsa malatsi a bofelo, ka gore go buiwa jaana mo temana 4, "Tswang mo go ene, IBATHO BAME". Tlhatogo ga e ise e diragale. Monyadiwa ga a ise a tsamaye fa diemo tse tse di maswe the di mo teng ga kereke e humileng ya maaka.

Mme go na le gauta ya Modimo. I Petere 1:7.

"Gore go lekwa ga tumelo ya lona, ka e le tlhwatlhwa go feta gouta e e nyelelang."

Gouta ya Modimo ke botho jo bo tshwanang le ja ga Keresete jo bo dirilweng mo leubelong le le tukang la thokofatso. Ke mofuta o o siameng wa gouta.

Mme kereke e na le mofuta ofe wa gaouta gompieno? Ga e na sepe fa e se gouta ya lefatshe e e tla nyelelang. E humile. E kgitsofetse. E dirile gore go nna le dikhumo e nne sone selo sa konokono se se ka dirang gore motho a nne semowa. Bosupi ja gore Modimo o a ba segofatsa le gore dithuto tsa bone di boammaaruri, jalo le jalo, jaanong bo ikaegile ka gore go na le batho ba le kae ba ba humileng mo go tsone.

"Go botoka gore o tle pele ga o diega", go bua Morena, "mme o reke gouta mo go nna e e itshekisitsweng ka molelo mme o tla huma tota." A re tshwara seo? Ntheetsang, re tliile mo lefatsheng re sa apara (mo mebeleng), mme GA RE kitla re tswa re sa apara." Nnyaa, re tsile go tsaya sengwe le rona. Sengwe lseo ke SONE fela se re ka se tsayang le rona, e seng sepe se se fokotsegileng kana se se okeditsweng. Ka jalo re tshwanetse go nna kelotlhoko thata gore re se ka ra tsaya sengwe se se tla dirang gore re nne ba ba siameng fa pele ga Modimo. Ka jalo he, re tla tsaya eng? Re tla tsaya MOKGWA ja rona, mokaulengwe, ke sone se re tla se tsayang le rona. Jaanong o tla tsamaya le motho yo o

ntseng jang? A o tla tshwana le Ene yo botho ja Gagwe bo neng ja bopiwa ke go boga mo leubelong le le tukang la thokofatso, kana a o tla tshwana le batho ba Laodikia ba ba senang botho? Go ikaegile ka mongwe le mongwe wa rona, ka gonne mo letsatsing leo mongwe le mongwe o tla rwala morwalo wa gagwe.

Jaamong, ke ne ka bolela gore toropo ya Laodikia e ne e le toropo e e humileng. E ne e dira madi a tshipi a gouta a a neng a kwadilwe mo matlhakoreng oo mabedi. Madi a tshipi a gouta a ne a supa mokgwa wa paka—ya kgwebo e e neng e atlegile ka lebaka la one. Gompiano, re na le ledi la tshipi la gouta la ditlhogo tse pedi. Re a ithekela kwa ntle gape ra bo re ithekela mo teng. Mo kerekeng, re leka go dira se se tshwanang. Re ithekolola mo sebeng mme re ithekela go tsena kwa legodimong—kana re ka re jalo. Mme Modimo ga a bue jalo.

Kereke e na le dikhumo tse di gakgamatsang mo e leng gore ka nako epe fela e ka kgona go laola tsamaiso yotlhe ya lefatshe ya kgwebo, mme tota moeteledipele mongwe wa Lekgotla la Lefatshe Lotlhe la Dikereke o ile a bolelela pele ka phepafalo gore kereke mo nako e e tlang e bonalang sentle e tshwanetse, e ka kgona e bile e tla dira fela jalo. Mme tora ya bone ya gouta ya Babele e tla wa. Gauta e le kilweng ka molelo ke yone fela e e tla nnelang ruri.

Mme ke sone se kereke e ntseng e se dira ka nako tsotlhe go tsamaya le dipaka. O tlogetse Lefoko la Modimo mme a amogela ditumelo tsa gagwe le dithuto tsa gagwe; o rulagantse le go tshwaragana le lefatshe. Ka jalo o a sa ikatega, mme Modimo o atihola boaka ja gagwe. Tsela e le ngwefela e a ka tswang mo boemong bo bo maswe ka yone ke ka go ikobela Morena gore a boele mo Lefokong la Gagwe.

Tshenolo 18:4,

"Tswang mo go ene, batho ba me."

II Bakorintha 6:14-18.

"Se pataganeleng jokwe le ba ba sa dumeleng, e le mo go sa lekalekaneng; gonne tshiamo e na le bolelane bofe le tshiamololo? Kgotsa lesedi le na le kabalano efe le lefifi?"

Keresete o na le kutlwano efe le Beliale? Kgotsa yo o dumelang o na le kabelo efe le yo o sa dumeleng?"

Mme Le tempele ya Modimo e na le tumalano efe le medimo ya disetswa? Gonne rona re tempele ya Modimo o o tshedileng; fela jaaka Modimo o rile; "Ke tlaa aga mo go bone, ke ba ke tsamaya mo go one; mme ke tlaa nna Modimo wa bone, mme ba tlaa nna batho ba me."

Ke gone tswang mo gare ga bone, lo lomologane, go bua Morena, lo se ka lwa ama sepe se se itshekologileng: mme ke tlaa lo amogela.

Mme Ke tlaa nna Rraalona, mme le tlaa nna bomorwaake le bomorwadiake, go bua Morena Mothatayotlhe."

Go na le tlhwatlhwa e re tshwanetseng go e duelela diaparo tseo, mme ke tlhwatlhwa ya go kgaogana.

"Mme o tlotse matlho a gago ka setlolo sa matlho gore o bone."

Ga a re o tshwanetse go reka setlolo se sa matlho. Oo nyaa. Mowa o o Boitshepo ga o na tlhwatlhwa.

"A le amogetse Mowa ka ditiro tsa molao, gongwe ka thero ya tumelo?"

Bagalatia 3:2.

Kwantle ga kolobetso ya Mowa o o Boitshepo, ga o kake wa kgona go bula matlho a gago go bona tshenolo ya boammaaruri ya semowa ya Lefoko. Motho yo o senang Mowa ga a bone Modimo le boammaaruri ja One.

Fa ke akanya ka setlolo se se sa matlho se se bulang batho matlho, ke gakologelwa nako ya fa ke ne ke le mosimanyana kwa Kentucky. Nna le morwarre re ne re robala ko kamoreng e e kwa godimo mo godimo ga bolao ja lotlhaka. Diphatlha tse di neng dile mo leboteng la ntlo di ne di tsenya phefo e e tsididi. Ka dinako tse dingwe ka mariga go ne go e tle go nne tsididi thata mo e leng gore re ne re tsoga mo mosong re na tsenwe ke serame mo matlhong mo e leng gore matlho a rona a ne a kopelegile thata ka gore a tla bo a na le malaka a rurugile. Re ne re lelela mo go mme, mme o ne a tla bo a palamela ko go rona ko godimo a tla a tshotse mafura a tsaparangaka a a fisang a bo a re tshasa mo matlhong go fitlhelela malaka a koloba a bo a nyelela, go tswa foo re tla bo re kgona go bona.

Le itse gore go nnile le diphefo tse di tsididi tse di maswe tse di fokang mo kerekeng mo kokomaneng e, mme ke boifa gore matlho a gagwe a ne a tsidifala mme a sa bone se Modimo a se mo solofeditseng sone. O tlhoka leokwane le le molelo la Mowa wa Modimo gore a bule matlho. Fa a sa amogele Mowa wa Modimo o tla tswelela pele a emisetsa thulaganyo ka maatla le tumelo ka Lefoko. O bala dipalo go bona katlego, go na le go batla maungo. Baithutabodumedi ba tswetse kgoro ya tumelo gape ba bo ba thibela botlhe go tsena. Ga ba tsene, e bile ga ba letle ope go tsena. Thuto ya bone ya thutabodumedi e tswa mo bukeng ya boranyane ja thaloganyo e e kwadilweng ke motho mongwe yo o sa dumeleng. Go na le buka nngwe ya go thuto ya thaloganyo e rotlhe re e tlhokang; ke Baebele. E kwadilwe ke Modimo mme e na le megopolo ya Modimo. Ga o tlhoke ngaka gore e go tlhalosetse. Amogelang Mowa o o Boitshepo mme le mo letle gore a le tlhalosetse. O kwadile Buka mme a ka go bolelela se se mo go yone le gore e raya eng.

Bakorintha 2:9-16

"Mme jaaka go kwadilwe, Madi ga a ise a bone, le fa e le ditsebe ga di ise di utlwe, le fa e le tse di ka tsenang tsena mo pelong ya motho, e bong dilo tsotlhe tse Modimo o di baakanyeditseng bone ba ba mo ratang.

Modimo o di senoletse rona ka Mowa. Gonne Mowa o tlathloba dilo tsotlhe, ee, le dilo tse di boteng tsa Modimo.

Gonne ke mang mo bathong yo o itseng dilo tsa motho, fa e se mowa wa motho o o mo go ene? Go ntse fela jalo le dilo tsa Modimo, ga go ope yo o di itseng, fa e se Mowa wa Modimo.

Rona re amogetse mowa o e seng wa lefatshe, e le mowa o e leng wa Modimo; gore re tle re itse dilo tse re di newang fela ke Modimo.

E le dilo tse re bileng re di bua, e seng ka puo e re e rutwang ke botlhale jwa motho, e le e re e rutwang ke Mowa, re tshwantsha dilo tsa semowa ka dilo tsa semowa.

Jaana yo e leng motho wa tlhologo, ga a amogele dilo tsa Mowa wa Modimo: gonne ke boeleele mo go ene: mme ga a ka ke a di itse, ka di sekasekwa ka semowa. Mme yo o Semowa o sekaseka dilo tsotlhe, mme ene ka boene ga a sekasekwe ke motho ope.

Gonne mang yo o itsileng mogopolo wa Morena, fa e bo ne ne a ka mo ruta? Mme rona re na le mogopolo wa ga Keresete."

Jaanong fa e le gore dilo tsotlhe tse Mowa o lelang kगतलhanong le tsone ke tse di mo pakeng e, re tlhoka mongwe yo o tla thagang jaaka Johane wa Mokolobetsi mme a gwetlhe kereke jaaka go ise go ke go direge pele. Mme ke sone se se tla diregang mo pakeng ya rona. Johane wa Mokolobetsi yo mongwe o tla tla mme o tla goa fela jaaka wa ntlha. Re itse gore o tla dira jalo ka nnata ya se temana e e latelang e se buang.

"Botlhe ba ke ba ratang ke a ba kgalemela, ke a ba otlhaya; ka moo he, nna tlhagafala, mme o ikotlhae."

Tshenolo 3:19.

O ke molaetsa o o tshwanang le o Johane a neng a o bolela fa a ne a goa mo nageng eo ya bodumedi ya Bafarasai, Basadukae, le baheitane, "IKWATLAE!" Go ne go se na tsela e nngwe ka nako eo; le gone jaanong ga go na tsela e nngwe. Go ne go se na tsela e nngwe ya go boela kwa Modimong ka nako eo, e bile ga go na tsela e nngwe gone jaanong. Ke GO IKWATLHAYA. Fetola mogopolo wa gago. Retologa. IKWATLHAENG, gonne ke ka ntlha ya eng fa le tla swa?

A re sekasekeng polelwana ya ntlha, "Ba le bantsi ba ke ba ratang" Mo Segerikeng, go gatelelwa leina la motho le le rayang motho yo mongwe ka leina la gagwe e leng 'KE'. Ga a re ba le bantsi ba tla ikutlwa jalo. O tshwanetse go re, "ba le bantsi ba ba Nthatang". Nyaa rra. Gare a tshwanela go leka go dira Jeso SEDIRISIWA sa lerato mo temaneng. Nyaa! KE BATHO ba le bantsi ba ba leng BARATWA ba Modimo. Ke lorato la Gagwe, E SENG la rona.

Ka jalo re iponela gape re galalela poloko ya Gagwe, maikaelelo a Gagwe le leano la Gagwe, mme re tlhomamisiwa thata mo boammaaruring ja thuto ya Bolaodi ja Modimo. Fela jaaka a ne a buile mo go Baroma 9:13. "Ke ratile Jakobe." A jaanong go a direga gore ka a ne a ratile BONTSI fela, a ka jalo o mo boemong ja go ikgotsofatsa, a letetse lerato la bao ba sa Mo atamelang? Ga go a nna jalo ka tsela epe, ka gonne O ne a bolela gape mo go Baroma 9:13, a re "Ke tlhoile Esau." Mme mo temaneng ya 11 Mowa o bua ka bopelokgale, "Gonne e rile bana ba ise ba tsalwe, ba ise ba dire molemo le fa e le bosula, GORE MAIKAELELO A MODIMO A TLHOMAME KA FA TLHOPHO, e seng ka ditiro, mme e nne ka ene yo o bitsang." Lerato le ke "Lerato le le Tlhophilweng". Ke lerato la Gagwe mo bakgethiweng ba Gagwe. Mme

lerato la Gagwe mo go bone ga le amane ka gope le go NNA MOTHO ka gonne go bolela gore maikaelelo jwa Modimo bo ikaegile ka go tlhophiwa ga gagwe, e leng selo se se farologaneng gotlhelele le ditiro kana sepe fela se motho a nang le sone. Ka gonne "PELE GA BANA BA TSHOLWA" O ne a SETSE a rile, "Ke ratile Jakobe, mme Esau ke mo tlhoile".

Mme jaanong o raya batlhanka ba gagwe a re: "Botlhe ba ke ba ratang KE A BA KGALEMELA GAPE KE A BA OTLHAA". Go kgalemela ke go tlhamalatsa. Go kgalemela ke go 'bontsha ka maikaelelo a go baakanya.' Go otlhaya ga go reye go otlhaya ga go bogisa. Go raya go "go laya ka gonne sengwe le sengwe se mo tlhologanyong."

Se ke sone se re se fitlhelang mo go Bahebera 12:5-11,

"Lo bile lo lebetse tao e e buang le lona jaaka bana, e re; Morwaaka, se nyatse kwatlhao ya Morena, o bo o se ngodiege fa o kgalemelwa ke Ene;

Gonne yo Morena o mo ratang o a tle a mo otlhaye, a kgwathise ngwana mongwe le mongwe yo o mo amogelang.

Fa le itshokela kotlhao, Modimo o dira le lona jaaka a dira le barwa; gonne ngwana ke ofe yo Rraagwe o sa mo otlhayeng?

Mme fa lo sa bone kwatlhao e botlhe ba e bonang, lo bo lo le bana ba dikgora, e seng bana sebele.

Gape, re ne re na le borraetsho ba nama ba ba re otlhaileng, mme ra ba sisimoga. Bogolo thata a ga re ketla re nna kutlo mo go ene Rara wa mewa, ra tshela?

Gonne le gale bone ba re otlhaile ka malatsinyana, ka fa ba ratileng ka teng; mme ene o re gapela kwa molemong, e bong gore re abelwe boitshepo jwa gagwe.

Mo bakeng lono, e kete kwatlhao yotlhe e ntse jaaka e kete ga e na boitumediso, fa e se tlhokofatso fela; le fa go ntse jalo, e a re kwa morago ba ba e rutintshitsweng, e ba ungwele loungo lwa kagiso, e bong loungo lwa tshiamo."

Fa jaanong go tlhalosiwa lerato la Modimo. O ne a eletsa ka lorato go nna le lelapa la Gagwe, lelapa la barwa—barwa ba ba tshwanang le Ene. Batho botlhe ba eme fa pele ga Gagwe jaaka mmopa o le MONGWEFELA wa letsopa. Jaanong o tla dira dijana tse di tlotlegang le tse di seng tsa tlotlo ka mmopa wa letsopa le le tshwanang. Go TLHOPHA go tla bo go dirwa ke Ene ka sebele. Go tswa foo ba ba tlhophilweng bao, ba ba tsetsweng ke Mowa wa Gagwe ba tla thapisiwa gore ba tsamaye ka tsela e e tshwanang le ya Gagwe. O A kgalemela ka bopelotelele jotlhe le bonolo le kutlwelobotlhoko. O A KGALEMA ka diatla tsa gagwe tse di nang le mabadi. Ka dinako tse dingwe Mmopi yo wa letsopa o tshwanetse go tsaya selwana se a se bopang mme a se thube ka botlalo gore a tle a kgone go se aga sesha fela jaaka A se batla. MME KE LERATO. SEO KE LERATO. GA GO NA TSELA E NNGWE YA LERATO LA GAGWE. GA GO KA KE GA NNA JALO.

Oh, letsomanyane, le se ka la boifa. Paka e e a fela ka bonako. Fa e ntse e dira jalo mefero eo e tla bo e bofilwa mmogo, mme fela jaaka mogala o o menaganeng gararo o sa robege motlhofo, e tla nna le maatla a magolo a mararo a bopolotiki, a mmele le a semoya (a ga Satane), mme e tla batla go senya monyadiwa wa ga Keresete. O tla sokola, mme o tla itshoka. Le se ka la boifa dilo tse di tlang mo lefatsheng, gonne Ene yo o "ratileng ba gagwe, o ba ratile go ya bokhutlong." Johane 13:1.

"Tlhagafalang mme le ikotlhae." Jaanong kereke e ya maaka e tlhagafetse; o se ka wa dira phoso eo. Tlhoafalo ya gagwe e ne e tshwana le ya Bajuda,

Johane 2:17,

"Tlhoafalo ya ntlo ya gago e njele."

Mme ke tlhoafalo e e phoso. Ke ya ntlo ya bone. Ke ka ntlha ya ditumelo tsa bone, dithuto tsa bone, mekgatlho ya bone, tshiamo ya bone. Ba dirile gore Lefoko le nne megopolo ya bone. Ba ne ba tlosa Moya o o Boitshepo mme ba dira batho ba bone baeteledipele. Babeetse Botshelo Jo bo Sa Khutleng e le Motho ko thoko, mme ba bo dira ditiro tse di molemo, kana le eleng go dumalana le kereke go na le ditiro tse di molemo.

Mme Modimo o bitsa batho gore ba tlhwafale gape. Tlhwaafalo ya go lela o re "KE PHOSO". Jaanong ke mang yo o tla reng o phoso? Makoko a a otlhe a beile mo go eng? — go ipolela gore ke motho wa mmatota, le gore ke Modimo, — ba re ba nepile. Jaanong BOTLHE ga ba ka ke ba bo ba nepile. Tota e bile, GA GO NA OPE wa bone yo o nepileng. Ke diphupu tse ditshweu tse di tletseng marapo a baswi. Ga ba na botshelo. Ga ba na tshupo bope. Modimo ga a ise a ko a Ikitsise mo phuthegong epe. Ba re ba nepile ka gonne ke bone ba ba buang jalo, mme go bua jalo ga go dire gore go ntse jalo. Ba tlhoka

Modimo yo o tlotlomaditsweng e leng "Go bua Morena" wa Modimo mme ga ba na nayo.

Jaanong mma ke bue se fa. Ga ke dumele gore Modimo o bitsa fela kereke ya maaka gore e ikwatlhaye. Mo temaneng e o bua le bakgetlhwaga ba Gagwe. Le bone ba tshwanetse go ikwatlhaya. Bontsi ba bana ba Gagwe ba sa ntse ba le mo dikerekeng tseo tsa maaka. Ke bone ba go buiwang ka bone mo go Baefeso 5:14, "*Ke gone, a re: "Tsoga, wena yo o robetseng, o tsoge mo baswing, mme Keresete o tlaa go phatsimela."* Go robala ga go reye go swa. Ba ba robetse mo gare ga baswi. Ba kwa ntle ko makokoma a a suleng. Ba tsamaya le one. Modimo o a goa a re, "TSOGA! Ikwatlhale boeleele ja gago." Ba dirisa tlhotlheetso ya bone, ba dirisa nako ya bone le madi a bone, tota le matshelo a bone mo mekgathlong e ya baganetsakeresete, mme ba ntse ba akanya gore go siame. Ba tshwanetse go ikotlhaya. Ba tshwanetse go fetola megopolo ya bone mme ba boele mo boammaarung.

Ee, e ke paka e batho ba tlhokang go ikwatlhaya thata ka yone. A mme go tla nna jalo? A go tla busetsa Lefoko? A go tla busetsa Mowa o o Boitshepo mo matshelong a batho? A bo tla tlotla Jesu gape jaaka Mmoloki a le NOSI? Ga ke re nnyaa, ka gonne temana e e latelang e senola boammaaruri jo bo gakgamatsang le jo bo tshosang ja bokhutlo ja paka e.

Keresete Kwa Ntle ga Kereke

Tshenolo 3:20-22,

"Bona, ke eme fa mojako ke kgwanyakgwanya; fa motho mongwe, le fa e le mang a utlwa lentswe la me, a mpulela, ke tlaa tsena kwa go ene ke ja selalelo nae, le ene le nna.

Yo o fenyang, ke tlaa mo naya gore a dule le nna mo setulong sa me sa bogosi, fela jaaka le nna ke fentse, mme ke dutse le Rre mo setulong sa Gagwe sa bogosi.

Yo o nang le tsebe, a a utlwe se Mowa o se buang le diphuthego."

Jaanong go na le tlhakatlhakano e kgolo ka temana eno ka gonne batho ba le bantsi ba ba berekang ka namana ba e dirisa mo tirong ya bone ya go rera jaaka e kete Jesu o ne a eme fa kgorong ya pelo ya moleofi mongwe le mongwe yo o kokotang gore a amogelwe. Go ne go twe fa moleofi a bula kgoro, Morena o ne a tla tsena. Mme temana e ga e bue ka baleofi ka bongwe. Molaetsa o otlhe o na le bokao ja one fela jaaka molaetsa mongwe le mongwe mo pakeng nngwe le nngwe. Mo temaneng ya 22 ya re, "Yo o nang le tsebe a a utlwe se Mowa o se buang le DIKEREKE." Ka jalo se ke molaetsa o o yang kwa kerekeng ya paka ya bofelo. Se ke seemo sa kereke ya Laodikia jaaka fa bokhutlo ja yone bo atamela. Ga se molaetsa wa motho a le mongwe; ke Mowa o o re bolelelang gore Jesu o kae. KERESETE O TLOGETSE KEREREKE.

A se ga se sone se se tla diragalang fa Lefoko le beelwa kwa thoko gore e nne tumelo, fa Mowa o o Boitshepo o beelwa kwa thoko gore e nne bomopapa, bobishopo, baporesidente, bagakolodi, jalo le jalo, mme Mmoloki a beelwa kwa thoko gore a direlwe thulaganyo ya tiro, kana go nna leloko la kereke, kana mofuta mongwe wa go dumalana le tsamaiso ya kereke? Ke eng gape se se ka dirwang kgatlhano le Ene? Se ke botlhanogi! Mo ke gone go tswa mo tumelong! Mo ke kgoro e e bulwetseng moganetsakeresete, ka gore fa e le gore Mongwe o ne a tla ka Leina la ga Rraagwe (Jesu) mme a se ka a amogelwa, mme a ganwa, go tla tla yo mongwe ka leina la gagwe (moaki, moitimokanyi) mme ba tla mo amogela, Johane 5:43. Motho wa bolelo, morwa tshenyego yoo o tla tsaya taolo.

Mathaio 24, o umaka ditshupo kwa magodimong tse di malebana le letsatsi le la bofelo pele fela ga Jesu a tla. Ke ipotsa gore a o lemogile sesupo se se diragaditsweng bosheng jaana se se bontshang boammaaruri jo re ntseng re bua ka jone. Boammaaruri ke gore Jesu o ne a kgarametswa kwa thoko go fitlhelela a kgarametswa kwa ntle ga kereke mo pakeng ya bofelo. Gakologelwa gore mo pakeng ntlha e ne e batile go nna kereke e e tletseng boammaaruri. Le fa go ntse jalo, go ne go na le phoso e nnye e e neng e bidiwa ditiro tsa Banikolaite e e neng ya dira gore go se ka ga nna le batho ba bantsi. Morago ga moo, mo pakeng e e neng e latela go ne ga tsena lefifi le lentsi go fitlha kgolokwe ya lesedi e sa phatsime thata, mme lefifi la bipa karolo e kgolwane ya sekele. Mo pakeng ya boraro e ne ya fifala le go feta, mme mo pakeng ya bone o e neng e le Paka ya Lefifi, lesedi le ne le fedile.

Jaanong akanya ka se. Kereke e phatsima ka lesedi le le bonalang la ga Keresete. Ke LETSATSI. Kereke ke NGWEDI. Ka jalo, kgolokwe e ya lesedi ke ngwedi. E ne ya fokotsega go go nna nngwedi e e tletseng mo pakeng ya ntlha, go ya go e nnye mo pakeng ya bone. Mme le ne la simolola go gola ka paka ya botlhano. Mo go ya borataro go ne ga tsaya kgato e kgolo ya go gola. Paka e ya bosupa e ne e ntse e gola mo letlhakoreng le lengwe la yone, e ne ya ema go gola ka bonako, mme ya nyelelela mo e batlileng go nna lefela, mo e leng gore mo boemong ja lesedi go ne go na le lefifi la boganetsi, mme kwa bokhutlong ja paka yone e ne e sa tlhole e phatsima ka gonne go ne go laola lefifi fela. Jaanong Keresete o ne a le kwa ntle ga kereke.

Ke se sesupo mo lowaping. Go fifala ga ngwedi ga bofelo e ne e le go fifala gotlhelele ga ngwedi. Go

ne ga nna lefifi le legolo ka dikgato di le supa. Mo kगतong ya bosupa, lefifi le le feletseng le ne la tla fa Mopapa wa Roma (Paul wa borataro) a ne a ya kwa Palesetina go ya go etela Jerusalema. E ne e le mopapa wa ntlha go etela Jerusalema. Mopapa o bidiwa Paulo wa Borataro. Paulo e ne e le morongwa wa ntlha mme monna yo o bidiwa ka leina leo. Ela tlhoko gore ke ya borataro, kana palo ya motho. Se ga se diragale fela. Mme fa a ne a ya kwa Jerusalema, ngwedi kana kereke e ne ya fifala gotlhelele. Ke sone seo. Se ke bokhutlo. Kokomana e ga e na go feta go fitlha dilo tse tsotlhe di diragala. Le fa go ntse jalo, Morena Jesu, tla ka bonako!

Jaanong re kgona go bona gore ke ka ntlha ya eng fa go ne go na le mofine o o mobedi, o le mongwe wa boammaaruri mme o mongwe e le wa maaka. Jaanong re kgona go lemoga gore ke ka ntlha ya eng fa Aberahame a ne a na le bana ba babedi ba basimane, yo mongwe ka nama (yo o neng a bogisa Isake) mme yo mongwe ka tsholofetso. Jaanong re kgona go bona gore go tswa mo batsading ba ba tshwanang go ne ga tla basimane ba babedi jaaka mawelana, yo mongwe a itse le go rata dilo tsa Modimo, mme yo mongwe a itse boammaaruri jo bo tshwanang, mme e seng ja Moya o o tshwanang, mme ka gone a bogisa ngwana yo o kgetlhelweng. Modimo ga a ka a kgala ka ntlha ya go kgala. O ne a kgala ka ntlha ya ba ba kgetlhelweng. MOKGETLHWA GA A KAKE A bogisa mokgetlhwa. MOKGETLHWA GA A KAKE a utlwa mokgetlhwa yo mongwe. Ke baikepi ba ba bogisang le go senya ba ba kgetlhelweng. Baikepi ba ba rata bodumedi. Ba botlhale. Ke ba lesika la ga Kaine, lesika la kgogela. Ba aga Babele ya bone, ba aga ditoropo ya bone, ba aga mebuso e mogolo ya bone, mme ka nako eo yotlhe ba rapela Modimo. Ba tlhoile losika la boammaaruri, mme ba tla dira sengwe le sengwe se ba ka se kgonang, (tota le mo Leineng la Morena) go senya ba ba kgetlhwa ba Modimo. Mme ba a tlhokega. "Letlhaka ke eng mo korong?" Ga go sena letlhaka, ga gona korong. Mme kwa bofelong, go direga eng ka letlhaka? O tuka ka molelo o o sa timeng. Korong yone? E ko kae? E kgobokantswe mo bobolokelong ja gagwe. Ke koo A leng teng.

O mokgwethwa wa, e la tlhoko. Ithute ka kelotlhoko. E la tlhoko. Direlang poloko ya lona ka poifo le thoromo. Ikanye Modimo mme o nne pelokgale. Mmaba wa lona, Diabole, o tsamayatsamaya jaaka tau e e khurutlang, e e batlang go kometsa mongwe. Nna o disitse mo thapelong mme o nne o tlhomame. Nako e ke malatsi a bofelo. Mefine eo ka bobedi eleng wa boammaaruri le wa maaka e a butswa, mme pele ga korong e butswa, mefero eo e e buduleng e tshwanetse go bofiwa gore e fisiwe. Bona, botlhe ba kopanela le Lekgotla la Lefatshe Lotlhe la Dikereke. Ke gone go bofiwa. Ka bonako go tla rojwa go bo go phuthiwa korong. Mme gone jaanong mewa e mebedi e e bereka mo mefineng e mebedi. Tswang mo gare ga mefero. Simolola go fenywa gore o tle o bakwe ke Morena wa gago mme o tshwanelwe ke go busa le go busa le Ene.

Setulo sa Bogosi sa Mofenyi

Tshenolo 3:21,

"Yo o fenyang, ke tlaa mo naya gore a dule le nna mo setulong sa me sa bogosi, fela jaaka le nna ke fentse, mme ke dutse le Rre mo setulong sa gagwe sa bogosi."

Jaanong re tshwanetse go fenywa eng? Ke potso e e tlwaelesegileng e motho a ka e botsang fa. Mme seo ga se sone se tota temana e e se buang ka gonne ga se gore re tshwanetse go fenywa ENG mme ke gore re tshwanetse go fenywa JANG. Jaanong se se a utlwala, ka gore ga go botlhokwa go le kalo gore ke ENG se re tshwanetseng go se fenywa fa fela re itse gore re ka se fenywa JANG?

Go sekaseka ka bonako Dikwalo tse di buang ka Morena Jesu a fenywa go tla supa boammaaruri ja polelo e. Mo go Mathaio 4, fa Jesu a raelwa ke diabololo, O ne a fenywa dithaelo tsa ga Satane ka Lefoko, mme ka Lefoko fela. Mo dithaelong tse tharo tse dikgolo tse di neng di tshwana le tsa kwa tshimong ya Edene, e leng keletso ya nama, keletso ya matlho le boikgogomoso, Jesu o ne a fenywa ka Lefoko. Efa o ne a ineela mo thaelong ya ga Satane ka go palelwa ke go dirisa Lefoko. Adame o ne a wela mo go se utlweng Lefoko ka tlhamalalo. Mme Jesu o ne a fenywa ka Lefoko. Mme gone jaanong, mma ke go bolelele gore e ke yone fela tsela ya go fenywa, gape ke yone fela tsela e o ka itseng ka yone gore a o a fenywa, ka gonne Lefoko GA LE KAKE la palelwa.

Jaanong ela tlhoko gape kafa Jesu a neng a fenywa tsamaiso tsa lefatshe tsa bodumedi ka teng. Fa a ne a tshwenngwa kgapetsakgapetsa ke baithutabodumedi ba paka ya Gagwe, ka nako tsotlhe o ne a dirisa Lefoko. O ne a bua fela se Rara a se mmoleletseng gor a se bue. Go ne go se na nako e ka yone lefatshe le neng le sa tlhakatlhakane gotlhelele ka ntlha ya botlhale ja Gagwe ka gonne e ne e le botlhale ja Modimo.

Mo botshelong ja gagwe, fa a ne a lwa le Ene ka boene, O ne a fenywa ka gonna boikobo mo Lefokong la Modimo.

Mo go Bahebera 5:7 ya re,

"Yo e rileng mo malatsing a gagwe fa a le mo nameng, fa a sena go isa merapelo le

mekokotlelo e e nang le selemo se setona, le dikeledi, kwa go Ene yo o nonofileng go mo golola mo losong; ya re a sena go utlwiwa ka ntlha ya go boifa Modimo ga gagwe:

Le fa a le ngwana, le fa go ntse jalo, a ithuta kutlo ka dilo tse a di bogileng;

Mme e rile a sena go dirwa boitekanelo, a tswa mosimolodi wa poloka e e sa khutleng mo go botlhe ba ba Mo utlwang."

O ne A ikobela eng? Lefoko La Modimo.

Jaanong, go tla bo go sena motho ope yo o tla nnang mo setulong sa bogosi sa Morena Jesu Keresete fa a sa tshele Lefoko leo. Dithapelo tsa lona, go itima dijo ga lona, go maikwatlhao a lona—go sa kgathalesege gore le tsisa e neg ko Modimong—ga go na sepe sa dilo tseo se se tla le fang tshono ya go nna mo setulong seo sa bogosi. E tla fiwa Monyadiwa wa LENTSWE fela. Fela jaaka setulo sa bogosi sa kgosi se kopanelwa le sa kgosigadi ka gonne e kopane le ene, fela jalo ba ba leng ba Lefoko leo fela jaaka ene a le wa Lefoko leo ba tla nna le seabe mo setulong seo.

Gakologelwang gore re bontshitse sentle go tsamaya ka dipaka tsotlhe gore fela jaaka Adame le Efa ba ne ba wa ka gonne ba ne ba tlogela Lefoko, le Paka ya Baefesia e ne ya wa ka go fapogamo Lefoko go sekae, go fitlha ka paka nngwe le nngwe e e neng e tswelala pele e fapoga, re nna le go latlha wa bofelo ga Lefoko ke tsamaiso ya Kereke ya Lefatshe. Paka e ya Laodikia e felela ka gore Lefoko le nyelele, ka go dira jalo go dira gore Morena a tswa mo go bone. O eme kwa ntle a bitsa ba gagwe ba ba mo latelang ka go utlwa Lefoko. Morago ga tshupo e khutshwane ya maata a Mowa, setlhophha seo se sennyane se se neng se tsomiwa le go bogiswa se tla ya go nna le Jesu.

Bokhutlo Ja Paka ya Baditšhaba

Paka e ke ya bofelo ya paka tse di supa tsa kereke. Se se neng sa simologa mo Pakeng ya ntlha kana ya Baefesia se tshwanetse mme se tla nna le maungo a a feletseng le thobo mo Pakeng ya bofelo kana ya Laodikia. Mefine e e mebedi e tla unywa maungo a tsone a bofelo. Mewa e mebedi e e tla felelela e itshupile kwa bofelong ja yone. Go jala, go nosetsa, go jala go fedile. Selemo se fedile. Jaanong sekele e a roba.

Mo ditemaneng 15 go ya go 18 tse re sa tswang go di ithuta go na le setshwantsho sa boammaaruri sa mofine wa maaka o o buduleng, mowa wa maaka, batho ba kereke ya maaka. "*Ke itse ditiro tsa gago gore ga o tsididi, e bile ga o bolelo: E kete o ka bo o tsididi gongwe o bolelo. Me ke gone, ka gore o bothitho hela, mme o se tsididi, o se mogote, Ke tla go kgwela kwantle ga molomo Wame. Gonne o re, Ke humile, ke humile, ga ke tlhoke sepe; mme ga o itse fa o le yo o bogisiwang, o le yo o tlhomola pelo, o le mohumanegi, o le sefofu, o sa apara; ke go gakolola gore o reke gouta mo go nna e e itshekisitsweng ka molelo, gore o tle o hume; le diaparo tse ditshweu, gore o tle o apare, mme ditlhong tsa bosaikatega jwa gago di se ka tsa bonala; le setlolo sa matlho, o se tlotse matlho, gore o tle o bone.*" Ga go na mafoko ape a a kileng a bua ka tsela e e botlhoko jaana ya go kgala, mme ga go na batho bape ba bodumedi ba ba ikgogomosang le ba ba mabela ba ba kileng ba tshwanelwa ke go kgalwa jalo.

Mme mo temana 21,

"Yo o fenyang ke tlaa mo naya go nna le nna mo setulong sa me sa bogosi, fela jaaka le nna ke fentse, mme ke ntse le Rre mo setulong sa gagwe sa bogosi,"

Re fitlhela mofine wa boammaaruri, Mowa wa boammaaruri, batho ba boammaaruri ba Kereke ba tthatlosediwa kwa setulong sa Modimo sa bogosi ka pako e e kwa godimo go gaisa tsotlhe tse di kileng tsa newa setlhophha sa Semowa se se boikokobetso, se se tlhomameng.

Mafoko a ga Johane wa Mokolobetsi yo o neng a tlhalosa Keresete ka tlhomamo jaana malebana le kereke ya boammaaruri le ya maaka jaanong a a diragadiwa.

Mathaio 3:11-12,

"Nna le gale ke lo kolobeletsa boikwatlhao ka metsi; mme yo o tlang morago ga me o nonofile bogolo go nna, yo ditlhako tsa gagwe ke sa tshwanelang go di mo tsholela, ene o tlaa lo kolobetsa ka Mowa o o Boitshepo le ka molelo:

o loselo lwa gagwe o lo tshotseng ka seatla, mme o tlaa olosetsa ruri mo segotlong sa gagwe; mabele a gagwe o tlaa a phuthela mo polokelong ya gagwe; mme mmoko o tlaa o tshuba ka molelo o o sa ka keng wa tingwa."

Keresete, Morobi yo Mogolo, jaanong o roba maungo a lefatshe. O phuthela korong mo bobolokelong ka go tla go e fa ba gagwe le go ba amogela ka bosakhutleng. Go tswa foo o tla boa go tla go senya baikepi ka molelo o o sa timeng.

Masaitseweng a mefero le korong a a mo go Mathaio 13:24-30, le one jaanong a a diragadiwa.

"A ba beela pele setshwantsho se sengwe a re "Bogosi ja legodimo bo tshwantshiwa le motho yo o kileng a jala peo e e molemo mo tshimong ya gagwe:

Mme ya re go sa robetswe, mmaba wa gagwe a tla a jala mohoka le one mo mabeleng, mme a tsamaya

E rile mogwang o gola, mabele a tsala, mohoka le one wa bonala.

Batlhanka ba mong wa tshimo ba tla ba mo raya ba re: 'Morena, a go o a jala peo e e molemo mo tshimong ya gago, mme jaanong e bile e tshotse mohoka kae?

Ba raya, a re Ke mmaba yo o dirileng jalo, Batlhanka ba re, Fa e le jalo, a o rata ra ya ra o phutha?

Mme a re, Nnyaa; e se re kgotsa fa lo phutha mohoka, lwa o khumolela le mabele.

Lesang, lo mme go gole mmogo go ya thobong; e tlaa re mo motlheng wa thobo ke tlaa raya barobi ke re, Phuthang mohoka pele, lo o bofe dingata go tla lo o fisa, mme mabele lo a phuthele mo bobolokelong jwa me"

Go robuwa korong le mefero, e salenng go tloga ka paka ya ntlha go fithelela jaanong di ntse di gola mmogo. Se Nicaea e neng e ikaeletse go se fithelela se setse se fetile. Kereke ya maaka e gana boammaaruri bope fela jo bo mo teng ga yone ka thata ya yone a phuthego mme ka maatla a yone a bopolotiki e itshegetsang ka go engwa nokeng ke puso mme e ikaelela go nyeletsa modumedi wa boammaaruri ka bosakhutleng. Mme fela fa a tloga a feleletsa leano la gagwe la bogatlapa korong e a phuthiwa. Korong le mefero ga di kitla di tlhola di gola mmogo. Mefero ga e kitla e tlhola e amogela ditshegofatso tsa Modimo ka ntlha ya go nna gone ga korong, ka gonne korong e tla nyelela mme bogale jwa Modimo bo tla tshololelwa mo selong sa borataro se se tla felelang ka go senngwa gotlhelele ga baikepi.

Jaanong ke ne ka bua gore mofine wa maaka o ne wa unywa maungo a one otlhe mo pakeng e. Leungo la lone le ne le tla gola le bo le butswa. Go ntse jalo. Kereke e ya mewa e e boikepo, e e tletseng boikepo, e tla senolwa jaaka peo ya mosetara e e neng ya gola ya nna setlhare se dinonyane tsa loapi di neng tsa nna mo go sone. Mo tlhogong ya gagwe e tla bo e le moganetsakeresete, masaitsiweng a boikepo. Mo gothe ke boammaaruri. Mme fa se se le boammaaruri, go tshwanetse ga bo go le boammaaruri gape gore Kereke ya Monyadiwa e tla gola, mme go gola ga yone go tla supa gore e amana le Morena wa yone ka Lefoko, mme Tlhogo ya yone e e tla tlang kwa go yone ke masaitsiweng sa boineelo ja bomodimo, se tota e leng Keresete. Mme jaaka fa kereke ya maaka e e nang le maatla otlhe a a boferefere le a bodiabolo a a dirilweng ka maatla a sepolotiki, a mmele le matimona a lefifi e tla kgatlhanong le mofine o wa boammaaruri, mofine wa boammaaruri o o tletseng Mowa le Lefoko o tla dira ditiro tsa maatla tse Jesu a neng a di dira. Go tswa foo fa a atamela Motsubo, a tshwana le Ene ka Lefoko, Jesu o tla tla gore monyadiwa le Monyadi ba tle ba nne seoposengwe ka bosakhutleng.

Re setse re bona ditshupo tse di bonalang tsa se ke ntseng ke le bolelela sone di re dikologile. Tsamaiso ya lekoko la dikereke tsa lefatshe e teng ka mmatota. Mme gape ke boammaaruri gore moperofeti wa paka ya bofelo o tshwanetse a bo a tlisa molaetsa o o tswang kwa Modimong o o tla etelelang pele go tla ga bobedi ga Morena, ka gonne ka molaetsa wa gagwe dipelo tsa bana di tla boela kwa go borre ba Pentekosete, mme fa Lefoko le tsosolosiwa go tla nna le maatla a a tsosolositsweng.

A bo re tshela mo dinakong tse di botlhokwa jang ne! A bo re tshwanetse go nna kelotlhoko jang ne gore re nne re ntse re ikanyega mo Lefokong le mme re se ka ra tlosa sepe mo go lone kana ra oketsa sepe mo go lone, ka gonne yo o tla buang koo Modimo o sa buang teng o dira gore Modimo a nne moaki. Se ke se gakologelwang thata ke seno: Mo e ka nnang mo masimologong a lekgolo le la dingwaga, lenyora la Modimo le le neng la nna gone ka Paka ya Ba-Philadelphia le ne la dira gore go nne le go goa ga go kopa Mowa wa Modimo. Mme fa selelo se ne se arabiwa ke Modimo ka go romela tshupo ka diteme, go ranola le go porofeta, setlhopho sengwe se ne sa tlhama thuto ya gore go bua ka diteme ke bosupi jwa go kolobediwa ka Mowa o o Boitshepo. Go ne go se na bosupi bope ja gore go ne go na le diteme. E ne e le ditshupo, mme e seng bosupi. Boammaaruri ba thuto e ga bo ka ke ba lemogiwa fela ka go bo go sena Dikwalo tse di bo tshhegetsang, mme ba ba neng ba e amogela ba ne ba rulagannngwa ka yone nako eo go ya ka thuto eo, ba supa gore ba ne ba se mo boammaaruring jaaka ba ne ba batla batho ba dumela. E ne e lebege e le siame. Go ne go lebege e kete ke Pentekosete. Mme e ne ya itshupa gore ga go a nna jalo. E ne e ka se ke, ka gore e ne e rulagantswe. Se ke leso, e seng botshelo. E ne e lebege e tshwana thata le ya mmatota mo e leng gore boidiidi ja batho bo ne ba tsiediwa.

Jaanong fa e ne e se ya mmatota, e ne e le eng? E ne e le sefako, le letlhaka. E ne na le popego ya peo ya mmatota e ntse borethe e le tala. Mme fela jaaka motho a ka tsena mo tshimong mme a bona e lebegang jaaka korong mme gone e le lekape fela, (gonne peo ya korong ga e ise e nne teng) ka jalo

seno e ne e le lekape le le boleta fela le le neng le lebega jaaka korong ya mmatota e e neng e sa ntse e tla.. Peo ya ntlha ya korong ya Pentekosete e ne e tla boa gape mo pakeng ya bofelo. E ne ya fitlha mo mmung kwa Nicaea. E ne ya tlhagelela e le semela go tswa mo mmung kwa Sardis. Semela se se ne sa golasa nna letlhaka kwa Filadelefa mme sa butswa kwa Laodikia. Mme e ne e ka se boele kwa go se e neng e le sone pele ga Lefoko le tsosolosiwa. Moporofeti o ne a ise a tle mo bonafale foo. Mme jaanong go ya ka nako e re leng mo go yone mo pakeng ya Laodikia, 'Moperofeti wa morongwa' wa Tshenolo 10:7 o tshwanetse a bo a setse a le mo lefatsheng. Gape, "Go bua Morena" o tshwanetse go nna fano, a ipakanyeditse go bonala ka bosupi jo bo ka se kang ja tlhela. Ka gone, Peo ya Boammaaruri e setse e butswa, mme go tswa foo go tla GO TLA NNA THOBO.

Nako ya thobo. Ee, nako ya thobo. Jaanong mefeine e mebedi e e neng e tlhogile ya gola mmogo e bile e tshwaragane e tla kgaoganngwa. Maungo a mefine a a neng a na le pharologanoa tla phuthelwa mo dibolokelong tse di kgaoganeng. Mewa e mebedi e e tla ya kwa felelela e le ko mafelong a a farologaneng. Jaanong ke nako ya go reetsa pitso ya bofelo e e yang fela kwa Monyading wa Korong, 'Tswang mo go ene batho Bame, gore le tle le se tlhakanele le ene mo maleong a gagwe, le gore le tle le se amogele dipetso tsa gagwe (mefero) (pitlagano e kgolo ya sekano sa borataro le Mathaio 24).

Tlhagiso Ya Mowa Ya Bofelo

Tshenolo 3:22,

"Yo o nang le tsebe, a a utlwe se Mowa o se buang le kereke."

Se ke tlhagiso ya BOFELO. Ga go kitla go nna le e nngwe. Ntlo ya segosi e setse e baakantswe. Go tlhomilwe metheo e le lesome le bobedi. Mebila ya gouta e setse e dirilwe. Dikgoro tsa diphele tse dikgolo di tsholeditswe di bulegeile. Jaaka phiramiti o eme a le montle e bile a galalela. Dibopiwa tsa selegodimo tse di neng tsa mo baakanyetsa di ne tsa mo lebelela ka kgakgamalo, ka gonne o ne a phatsima ka kgalalelo e e sa tlwaelesegang mo lefatsheng. Karolo nngwe le nngwe ya bontle ja gagwe e re bolelela ka bopelonomi jo bo gakgamatsang le lorato la ga Jesu. Ke toropoe e baakanyeditsweng batho ba ba ipakantseng. O letetse banni ba gagwe fela, mme go ise go ye kae ba tla tlaala mo mebileng ya gagwe ka boitumelo. Ee, ke pitso ya bofelo. Mowa ga o kitla o bua mo pakeng e nngwe. Dipaka di fedile.

Mme re leboga Modimo, mo nakong e, paka e ga o ise e felele. O sa ntse a lela. Mme mokgosi wa gagwe ga o fela mo ditsebeng tsa semowa tsa batho ka Mowa wa Gagwe, mme gape moperofeti o setse a le mo lefatsheng. Modimo o tla senola boammaaruri gape jaaka a ne a dira ka Paulo. Mo malatsing a morongwa wa bosupa, mo malatsing a Paka ya Laodikia, morongwa wa yone o tla senola masaitseweng a Modimo jaaka a senoletse Paulo. O tla bua, mme ba ba amogelang moperofeti yoo ka leina la gagwe ba tla amogela maduo a a molemo a bodiredi ja moperofeti yoo. Mme ba ba mo utlwanng ba tla segofadiwa mme ba nne karolo ya monyadiwa yoo wa letsatsi la bofelo bao ba umakiwang mo go Tshenolo 22:17,

"Mowa le monyadiwa ba re tla."

Sethotha korong (Monyadiwa wa Korong) e e neng ya wela mo mmung kwa Nicaea e ne ya boela gape mo Korong ya tshimologo ya Lefoko. Bakang Modimo ka bosakhutleng. Ee, reetsa moperofeti yo o boammaaruri wa Modimo yo o tlhagelelang mo pakeng e ya bofelo. Se a se buang se tswa kwa Modimong, monyadiwa o tla se bua. Mowa le moperofeti le monyadiwa ba tla bua selo se se tshwanang. Mme se ba tla se buang setla bo setse se kwadilwe mo Lefokong. Jaanong ba re, , "Tswang mo gare ga gagwe jaanong mme le kgaogane le ene." Mokgosi o setse o dule. Mokgosi tswelletse ka go goeletsa. Lentswe le le tla lela lobaka le le kafe? Ga re itse, mme re itse selo se le sengwefela, ga gona go tsaya lebaka le le telele, ka gore paka e ke ya bofelo.

Yoo nang le tsebe, a utlwe se Mowa o se buang le dikereke. Mowa o buile. Letsatsi le le phirimang le tloga le nyelelela mo bosakhutleng go feleletsa dipaka tsa kereke. Morago ga moo go tla bo go fedile. Mme go tla bo go le thari gore o tle. Mme fa gona le mongwe yo ka dithuto tse a neng a amiwa ke Modimo ka Mowa wa Gagwe, a o ka retologela kwa go Ene ka boikotlhao mme wa mo neela botshelo ja gago gore ka Mowa wa Gagwe a go fe botshelo jo bo sa khutleng.



www.messagehub.info

Thero Ka

William Marrion Branham

"... Mo Metlheng ya Lentswe la Moengele wa Bosupa ..." Tshenolo
(10:7)